

В И К Т О Р Б А Н Ы К И Н

Ч А П А Е В
И Ы Л Ы С Ь
В И С Ъ Т Ъ Я С

КОМИ КНИЖНОЙ ИЗДАТЕЛЬСТВО 1962



В И К Т О Р Б А Н Ы К И Н

ЦАПАЕВ
ЙЫЛЫСЬ
ВИСЬТЪЯС



КОМИ КНИЖНОЙ ИЗДАТЕЛЬСТВО
Сыктывкар 1962

Тайӧ книгалӧн авторыс, Виктор Иванович Баныкин, чужис Волга берегса Ставрополь карын 1916 воын. Тані сійӧ велӧдчис да тані жӧ заводитис печатайтчыны.

Писатель висьтъясын первойя темаясӧн вӧліны граждаскӧй войнадырса боевӧй эпизодъяс («Чапаев йылысь висьтъяс»).

Писатель уна гижӧ речникъяслӧн, пур кылӧдысьяслӧн удж йылысь, великӧй роч ю йылысь.

1951 воын сылӧн петіс челядьлы лыддьӧм вылӧ роч кыв вылын книга «Тулысын ытва дырйи».

1955 воын вӧлі печатайтӧма том лыддысьысьяслы повесть «Нӧль лун «Сокол» вылын». Тайӧ кыкнан повестяс петкӧдлӧма трудӧвӧй туй вылӧ сувтысь том йӧзлысь характеръясӧ.

«Чапаев йылысь висьтъяс» книгагысь лыддысьысь тӧдмалас граждаскӧй война кадса легендарнӧй геройлысь челядьдырса олӧмсӧ, сылысь славнӧй боевӧй туйсӧ да сы йылысь, кутшӧм ӧна радейтӧны Чапаевӧс сӧветскӧй йӧз.

Уральскöй гöрясöд,
Шылыд степъясöд
Лэбöны вöвъяс
Пöтка стаяысь öдйöджык.

Лэбö сыланкывъясöн,
Зарниöдöм сабляöн
Отрядъяс водзвылын
Боевöй Чапай.

Народнöй сыланкывысь.

Чапаевъяслөн семьяыс оліс гöля, и еджгов юрсиа, жебиник Вася водз лоис «нянь перысысöн» — семьяс отсасысысöн. Гожöмын сійö медасыліс отсасыны пастуклы, тöвнас ветлöдліс батыскöд вöрö пeсла, идрасыліс, ваяліс юкмöсысь мамыслы ва. И кöть мыйö Вася эз босьтчыв, ставсö сійö вöчліс зіля да окотапырысь.

Ворсліс сійö сідз жö сьölöмсяныыс да гажаа. Челядь лыддылісны сійöс меда збойöн. Вася первой мортөн вуджліс ю вомöн, меда öдйö гöняйтліс вöв вылын, дорйыліс ёртсö, мед кöть и усъласысысыс вöліны сы дорысь ёнджыкöсь.

Кор Вася быдмыштіс, батыс сетіс сійöс озыр купеч ордö «кесйылöсөн».

И тані заводитчисны öтсеяма кузь лунъяс. Вася мыскаліс магазинысь джоджъяс, котраліс, кытчö кесйöдлісны приказчикъяс, восьталіс öдзöс озыр ньöбасысысыслы, ваяліс складысь тöвар.

— Старайтчы, Васька, старайтчы! — ичöтик мудер синъяссö читкыраліг шулывліс детинкалы купеч. — Кутан кöзьянöс уважайтны — прилавок сайö сувтöда. Приказчикö пункта. Мортөн вöча, Ме ставсö верма!

Эз öтчыд Вася кывлы, кыдзи купеч велöдіс приказчикъясöс:

— Вузасынытö абу сьöкыд. Главнöйыс тані — пöрйöдлы ньöбасысысöс. А он пöръяв — он вузав!

Но Вася быдмис честнöй зонкаöн да эз вермы пöрйöдлыны йöзöс. Магазинын ставыс сылы вöлі мустöм: и горш

да скуп кӱзьяин, и мудер приказчикъяс. Василий решитис мунны купеч ордысь.

Кӱзьяиньскӱд торйӱдчигӱн, кулакъяссӱ кабралігтырйи, зонка шуис:

— Вєсьшӱрӱ тэ ошйысян, мый ставсӱ верман вӱчны. Эн вермы вот тэ менӱ жуликӱ пӱртны! Эз артмы!

И зывӱка видзӱдліс скӱрмӱм купеч вылӱ да крапнитис пӱдлаліс ӱдзӱссӱ.

Василий лои плӱтникӱн. Вєтлӱдліс батъыскӱд Саратовскӱй губернияӱд да стрӱитис керкаяс. Уджалісны уна, а нажӱвитлісны грӱшъяс.

1914 воын ӱзйис империалистическӱй война. Фронт вылӱ кутісны помтӱг кыссыны салдатскӱй эшелонъяс.

Василий Чапаевӱс тшӱтш нуисны война вылӱ. Колины тӱлысьяс, вояс, а войналы помыс оз вӱлі тыдав.

Фронт вылын Чапаев тӱдмасис ӱти салдаткӱд. Сійӱ вӱлі питерса рабочӱй, большевик. Кор сюрлывлі прӱст кад, найӱ сӱрнитлісны война йылысь, олӱм йылысь, му йылысь.

Василий казяліс, мый питерса морт тӱдӱ мукӱдъяс серти унджык, да юавлывліс сылысь:

— Мый вӱсна тайӱ, вокӱ, вирыс кыссьӱ? И кор воас талы помыс?

— А тэ, воканӱй, думыштлы бурджыка, сӱки и ачыд гӱгӱрвоан,— сӱветуйтліс сылы салдат.

— Думайтлі ме, другӱ, да и эг этша...

— Но и мый?

— Ме сідзи чайта,— тӱлкуйтис Чапаев,— тайӱ войнаыд оз ков народыслы, мудзис сійӱ сысысь.

— Мудзис, шуан? Шойччыны окота?— синъяссӱ читкыртӱмӱн юаліс салдат.

Василий шєныштис кинас:

— Абу, вокӱ! Воуйтнытӱ ме кужа, тэ и ачыд тайӱс тӱдан, да мый вӱсна тышкасьнысӱ?— И скӱрысь горӱдіс:— Мыйла меным немецкӱй муыс?! Сійӱ миян Россия-матушкаын сы мында, мый синнад он судз, да сӱмын...

— Мый сӱмын?— торкис сійӱс салдат.

— А сійӱ,— вочавидзис Чапаев,— мый му вылас кӱзьяиныс абу народ.— И, уссӱ гартліг, скӱра шуис:— Вот эськӱ ас му вӱсна ме воуйтышті!

— И воуйтыштан,— зэв серъєзнӱя шуис сылы питерса.— Кывзы, другӱ, мый ме тэныд висьтала...

И питерса рабочёй висьталіс Чапаевлы большевикъяс-
лөн партия йылысь, коді гөтөвитө Россияын революция.

Сәксянь да медбөръя лолыштөмөдзыс Чапаевлөн мужественнөй сьөлөмыс тпкис сы ради, медым шедөдны на-
родлы шуда олөм.

1917 воын арнас Чапаев бөр воис аслас рөднөй Волга
былө.

Гортас воөм мысти первой лунъясас жө Чапаев муніс
Коммунистическөй партиялөн Николаевскөй уезднөй ко-
митетө. Тані сійө шуис:

— Көсья большевикө гижсьыны. На йылысь, больше-
викъяс йылысь, фронт вылын ме кывлі. Меным сьөлөм
вылө воө большевистскөй партия сы вөсна, мый сійө став
выннас сулалө народ дор.

Чапаевөс примитісны партияө да индісны военнөй ко-
миссарөн.

Регыд мысти рабочёй да салдатскөй депутатъяслөн
Николаевскөй Совет шуис тупкыны земскөй собрание. Сэні
вөліны татчөс озыр йөз, кодъяс водзсасисны революциялы
паныд.

Советлысь шуөмсө олөмө пөртны тшөктісны военнөй
комиссарлы, Чапаевлы.

Урчитөм лунө красногвардейскөй отрядкөд өтвылысь
Чапаев кытшаліс здание, кытчө вөлі чукөртчөмаөсь рево-
люциялөн врагъяс.

Первой мортөн залө пырис Николаевскөй Советысь пред-
седатель да шуис:

— Советскөй власть нимсянь юөрта, мый земскөй собра-
ние тупкөма!

Звермөм врагъяс уськөдчисны сы вылө...

Сійө жө здукас залө пырис Чапаев. Сійө чеччыштіс пы-
зан вылө да ярскөба горөдіс:

— Сулалөй! Кывзыны менө!.. Президиумөс арестуйтө-
ма. Мукөдъяслы пыр жө разөдчыны!

И грөзитыштіс револьвернас.

Тайө жө лунъясас уездын кыптис кулакъяслөн первой
мятеж. Сійөс пөдтыны мөдөдісны Краснөй гвардиялысь от-
ряд Чапаев юрнуөдөм улын.

Тадзи заводитчис революцияса талантливөй полково-
децлөн, Василий Иванович Чапаевлөн боевөй туйыс.



МОСОЛИКЛӨН ВИДЗЬЯС

Мудзём сингъясөн Шпанин видзөдліс нейджыд тушаа мужик вылө, кодлөн прөзвищеыс вөлі Мосолик, да коалис:

— Гижсянсө тэ кызди, Прокопий?

— Ярочкин менам овөй. Яр вылын¹ ме кодь оваыс өкмыс керка.

Мосоликөс гижөм бөрын Шпанин чеччис куим кока улөс вылысь да сюйис гимнастёрка зептас бумагасө. Пызан дорын сулалысь мужикъяс динө шыөдчигмоз сийө решительнөя шуис:

— Мунамөй!

Сельсөвет динын сулаліс некымын вөла-доддя. Вөвьяс лөкысь өвтчисны бөжъяснаныс, вөтлалісны гутъясөс.

Пуксялісны телегаясө да мөдөдчисны. Медводдза телегаын муніс Мосолик, сыкөд орччөн пукалісны косіник старик да беринөсь чужөма зон.

— Туруныс таво бур,— шуыштіс старик да ышловзис:— Да вот мат: войнасө некызди огө помалөй.

— Сыын и став делөыс,— серьезнөя шуис Мосолик.

¹ Яр вылын — кыр йылын, джуджыдинын.

Беринёсь зон шпыньмуніс. Мосоликлы оз вöлі мун асьсö серьёзнöйöн петкöдлöмыс. Сійöс быдöн тöдісны кызди шмонитысь, варов мортöс.

— Тэ кутшöмкö история висьтав,— Мосолик дінö шыасис зон.

Мосолик читкыртіс синъяссö, лöсьöдчис висьтавны, а зон ещö матöджык сы дінö пуксис, медым бурджыка кывны. Старик кöритана пыркнитіс юрнас да бара ышловзис.

Вöвъяс долыда рöдтісны.

Мöд телегаын, кöні пукаліс Шпанин, сёрнитісны Чапаев йылысь.

— Василий Ивановичöс ме тöда жö,— висьталіс öти мужик.— Кор тöвнас сійö воліс миян сиктö, ме ськöд орччöн пукалі. А смел жö морт сійö,— асьыс олöмсö весиг оз жалит.

— Сійö сэтшöм!— шуис Шпанин.

Туйыс нуöдіс кыддза раслань, сы сайын заводитчисны видзьяс, и сёрниыс пансис ытшкöм йылысь, урожай йылысь да нянь вылö донъяс йылысь.

Вöла-доддяяслы паныд вöрысь петісны кык верзьöма.

— Чолöм, мужикъяс!— асьыс ёртсö ордйöдігтырйи ылісянь на горöдіс первойя верзьöмаыс.

И ставныс тöдісны Чапаевöс.

Мосолик сувтöдіс вöвсö да первойöн чеччыштіс телегаысь.

— Семёновкаысь? Кытчö мунанныд?— дом поводсö зёлöдöмöн кутыштіс ярмöм вöвсö да юаліс Василий Иванович.

— Турун юклыны мöдöдчим, Чапаев ёрт,— вочавидзис Мосолик.— Обществосянь уполномоченнöйяс ми.

Мужикъяс чеччалісны телегаясысь да кытшалісны Чапаевöс.

— Коді тiян ыджыдыс?— юаліс Василий Иванович.

— Ме.— Шпанин петіс водзö.— Сельсöветса член земельнöй отделсянь.

— Шпанин? Тöда! Турун юкны, сідзкö, мунанныд? Сі-ідз...— Василий Иванович чабралыштіс уссö да чорыда шуис.— Со кутшöм делöыс, мужикъяс. Грачөвкаын белоказакъяслөн отряд шлоньялö. Колö вöтлыны. Рыт кежлас на дінö вермасны локны содтöд казакъяс, сэки делöыс лөк лөб... Мекöд йöзыс тані этшакөдь, сідзкö ме тiян дінö от-

сõгла. Белякъясõс вõтлам, и турун юкны босътчанныд. Сõгласенõсь?

Лои шы ни тõв. Мужикъяс педзисны места выланыс да õта-мõд вылас эз видзõдны.

— Отсалам, али мый? — юалис Шпанин. — А то ытш-кам турунтõ, а сзсыя эсийõ вир юысыясыс уськõдчасны...

— Мый сёрнитнысõ, мõдймõ! — Беринõсь чужõма зон сьõвзис да лõгпырысь шпынняялгтыр видзõдлс мужикъяс вылõ.

Кодкõ ышловзис, кодкõ гыжйыштис балябõжсõ, но телегаяс дорõ мунисны ставныс.

— Важõн нин кыин ружье эг кутлы, — шпыньмунис старик, — японскõйсянь.

— Лзб Силантьев динõ, — прикажитис ординарецыслы Чапаев, — да висътав, медым винтовкаяс да патронъяс дасътас.

Час джын мысти чапаевецъяслõн отряд да крестьяна, кодъяслы сеталисны винтовкаяс, вõвъяссõ дом поводõдыс нуõдгтыр гусьõник матыстчисны Грачõвка дорõ.

— Планыс татшõм, — шыõдчис крестьяна динõ Василий Иванович: — тi ставныд командир Силантьев юрнуõдõм улын матыстчанныд сикт дорõ да дзесьõмõн кутанныд лыйсыны. Ылõданныд противникõс, а ми сзк кості пырам тылсянныс да, — Чапаев шеныштис кинас, — кутам шырны белоказакъясõс.

Му бердõдзыс копыртчõмõн да идзас зорõд дорсянь рынышлань сьõрсьõн-бõрсьõн котõртгмоз чапаевец Силантьев нуõдис отрядсõ туй дорõ. Сикт дорын матын водалисны õтиõн-õтиõн джуджыд кõнтусь пиõ джынвийõ кисьõм рыныш вуджõр улõ.

— Ставныдлõн зарадитõма? — ньõжйõник юалис Силантьев.

— Ставнымлõн, — вочавидзис Мосолик да пыркнитис юрнас. — Видзчысь, казначня!

Первойя лыйõм шыяс бõрын жõ белоказакъяс кыпõдионы грездын тревога. Тыдалõ вõли, кызди найõ котõртлисны õти керка дорсянь мõд керка дорõ да водлисны турун пõвстõ, дзесьылисны куйõд чукõръяс сайõ. Мыйкõ дыра лыйсьõм шыяс кылисны шочиника, противник эз ёна водзась. Но вот медводдза керка дорын быдмысь тополь сай-

сянь кутіс сярғыны пулемёт, и пыр жё шыасис мөд пулемёт.

Пуляяс лэбисны мужикъяслөн юръяс весьтти да рыныш стено кучкысьомысь лэптылісны бус тшын.

— Видзөдтө, кызди мөдісны лыйлыны,— шуис Мосолик чапаевец Силантьевлы.— И патронъяссө оз жалитны.

— Пулемётъясысь кутісны ёнджыка лыйсыны,— неокотапырысь вочавидзис мөдыс, ачыс видзөдіс водзө да мөвпаліс: «Мый нө та дыра миян абуось?»

Тайö здукас тыдовтчисны белöйяс. Винтовкаяссө водзө чургөдөмөн найö ньоти тэрмасьтөг котөртисны сиктсянь.

— Пропадитім!— лёкгоршөн горөдіс беринось чужөма зон да чепөсйис бөрө, увтасланьö.

Сы бөрся котөртисны ещö кыкөн.

— Мужикъяс! Мужикъяс!— друг горөдіс Мосолик, өдөбтөмөн звиркнитіс-чеччис му вылысь да уськөдчис белоказакъяслы паныд.— Водзө, вокъяс!..

Кымынкө воськов котөртөм бөрын сійö друг сувтіс, паськыда шеныштіс кияснас да сутшкысис муö.

Но тані лои виччысьтөмтор. Белоказакъяс кутісны гылавыны, быттьөкө кодкө ытшкыштіс найөс. Пулемётъяс ланьтісны. Прездянь скачитісны чапаевецъяс да горзісны «ура»...

— Ыджыд аттьö отсөгсыныд, другъяс,— крестьяналысь кияссө кутлігтыр бой бөрын шуаліс Чапаев.

Матыстчис телега, көні куйліс Мосолик. Шапкаяснысө пөрччалөмөн ставныс чөв олгтыр чукөртчисны телега дінө.

Оні Мосолик кажитчис томджыкөн да весиг кызкө быттьө кузджыкөн. Вом доръяссө топөдөма, а паськыда восьса, кагалөн кодь сөдз синъясас төдчис чуймөм.

Василий Иванович кызөктіс кабырас да ньөжйөнник шуис:

— Мортыс тайö вөлі... настоящй!

Беринось чужөма зон видзөдіс кок улас, бусөссөм лапти вылас да кинас нямраліс картузсө.

Гортаныс мужикъяс мунісны чөв ланьтөмөн. Бөвъяс мунісны восьлөн. Кор пондісны мунны видзьяс пөлөн, Шпанин тшөктіс сувтны. Босьтіс телегаысь коса да муніс видз вылө. Сы бөрся мөдөдчисны некымынөн.

Телегаö тэчисны чөскыд дука турун да сы вылө, вольпась вылө моз, водтөдісны Мосоликөс.

— Чөскыд дука туруныс!— шуис старик да некымын турун сі матыстис вазьом синъяс дорас.

— Видзөднытө любө турун вылас,— шыасис Шпанин да чөвтліс синъяссө саридз моз гыалысь веж видзьяс вылө.— Мосоликлөн видзьяс...

Тайө вөлі важөн, 1918 вося гожөмын, кор Поволжьеын вөлі пөдтөма белоказакъяслысь мятеж. Но сэксянь тайө видзьясыс сідзи и шусьоны — Мосоликлөн видзьяс.





ОСИНОВКА ДОРЫН

Сиктса паськыд площадь вылын вöлі шума, быттьö ярмарка вылын. Быдлаын тыдалісны небесалань лэптöм вожъяса телегаяс, сулалісны вöвъяс, кодъяс тэрмасьтöг сөйисны турун, жуисны пода да вöла красноармеецъяс.

Вöвъясöс домаланінын олöма нывбаба, коді вöччöма праздник вылö моз, ыджыд сөй кувшинысь гөститöдö том кавалеристъясöс йöлөн.

Крест-накрест сувтöдалöм винтовкаяс дінын пукалöны боецъяс да сьөлöмсянныс ворсöны доминоөн. Гораа швачöдöны найö доминонас снаряд ящик вевтö, кодöс пунктöмаёсь джек вылö. А на пиысь медыджыд арлыдаыс, гөрд бан бокъяса пулемётчик, быд ход бöрын зэв сьөлöмсянныс горöдö:

— Ок, көні менам дас сизим арöсöй!

Ворсысьясянь неылын ярмöм вöв вылын, коді нервнöя курччалö көртвомсö, пукалö устöм зон, вöсни коссö зэлöдöма офицерскöй тасмаөн.

Верзьöма морт сёрнитö ас кодъыс жö томиник нывкөд, коді яндысьöмөн тупкыштö чужöмеö шöвк чышъянөн.

Ныв кок дорын збоймөм пышкой кокалө вотөм на, еджыд семечкиа подсолнечник юр, кодөс уськөдөма ныв.

Бусөсь дөраөн вевттьөм джуджыд телега вылын пукалө уска, олөма боец да куритө каллян. Синъяссө читкыртөмөн сийө спокойнөя да веськодя дзоргө тайө шума да синтө ёран мир вылас.

Площадь вылө воө ординарецыскөд Чапаев. Исаев чышкәлө пөсялөм чужөмсө цветъясөн вышивайтөм батист чышъянөн да лабутнөя висьталө:

— Волга вылын пө, больгөны, Жигулёвскөй гөраясын, уна зарни гуалөма. Степан Разин рөзөриталөма купечьясөс, а гөляслы зарни юклөма. А мый кольөма — гөраясө дзөбөма... Збой атаман вөлі, народлы вөля көсийс перйыны... — Исаев видзөдліс Чапаевлөн зумыштчөм чужөм вылө да ышловзис: — Вот эськө мянлы, Василий Иванович, сийө зарнисө!

— Зарни? — туйсө вомөналөм телегаяс костөд писькөдчиг юаліс Чапаев. — А мыйла сийө тэныд, дона ёрт, ковмис?

— Кыдзи — мыйла? — чуймис Исаев. — Ми эськө сәштөм артиллерия лөсьөдім... ассыным армияөс эськө юр вывсыяныс кок улөдзыс пасьтөдім... Эк, да мый тані сёрнитнысө!

Василий Иванович синъяс дорын друг чукөрмисны чукыръяс, и сийө меліа шуис:

— Философ тэ, Петька! Настоящөй философ!

Штабыс вөлі мичаа серөдөм гөрд кильчөа, нель өшиня ляпкыдик керкаын. Ворота дорын чукөртчөмаөсь ординарецьяс да связнөйяс. Вердаса вөвьяс кок гыжнаныс парсалісны мусө.

Чапаев тэрыба кайис кильчө вылө, прөйдитіс посводзөд да, юрсө копыртөмөн, пырис гурйив восьтөм өдзөсөд.

Керка пытшкөсас вөлі дзескыд да тшына. Пызанъяс вылын — картаяс, полевөй сумкаяс, нянь шөрөмъяс, тыртөм йөв кринчаяс. Ланьтлытөг зильгисны телефонъяс.

Косьяслөм, вушйөм шпалера комнатаын Василий Иванович пөрччис шапкасө да пызан вомөныс шыбитіс өшинь вылө.

Чапаев лөктөм бөрын командиръяс, кодъяс таөдз гөлөсьяс сибдытөдзныс вензисны, ланьтісны, а куритчысьяс мыжапырысь тэрыба кусөдалісны чигаркаяссө.

— Ставныс чукөрмисны? — керкаын пукалысь йӧз вылӧ видзӧдӱгмоз юалис Чапаев. — Заводитам.

Вушйӧм гимнастёркаяс, гожъялӧм да воймӧм чужӧмъяса командиръяс пукалісны пызан гӧгӧр да стен пӧлӧн лабичьяс вылын. Ставныс чӧв олісны.

Кисыыс кӧртӧдсӧ лӧсьӧдыштӧм бӧрын Василий Иванович пуксис пызан сайӧ; пуксигас векуштіліс чужӧмсӧ, сы вӧсна мый кыис век на висис.

— Ёна висьӧ мян Иванычным, — жалитӧмпырысь вашнитіс аскӧдыс орччӧн пукалысьлы коннӧй разведчик Семён Кузнецов.

— Петька, вай сумкасӧ! — дӧзмӧмӧн горӧдіс Чапаев.

Василий Иванович скӧраліс сыысь, мый, — кызди сылы кажитчис, — вывтӧ нин тӧждысьӧны сы вӧсна ёртъясыс, кодъяс чайтӧны, мый сійӧ серьезнӧя висьӧ.

Исаев вайис полевӧй сумка, перйис карандаш да циркуль, паськӧдіс пызан вылӧ карта.

Дзуртыштисны скамьяяс, кодъясӧс матӧджык матысталісны пызан дорӧ.

Йӧз пуксялісны топыдджыка ӧта-мӧд дінас, но местаыс ставныслы век жӧ эз тырмы, и уналы лои сулавны да пукалысьяс юръяс вомӧн видзӧдны пызан вылӧ.

— Бой лоӧ чорыд. Противниклӧн войскаыс да оружиеыс куим пӧв унджык мянлӧн дорысь. — Чапаев видзӧдліс сюся кывзысь командиръяс вылӧ. — Да и местаыс Осиновка гӧгӧр куш. Белякъяслы мый! Найӧ вывтасінынӧсь, мыльк сайын, а ми налы тыдалам ки пыдӧс вылын моз. — Сійӧ нуӧдіс карандашсӧ карта кузя да, мый йылысь кӧ мӧвпалігтыр, ланьтіс. — Осиновка колӧ босьтны войын. Лунын оз позь... сӧмын войын. — Чапаев пунктіс кисӧ Лоскутовлы пельпом вылас, кузь тушаа, паськыд плешка мужичӧйлы, кодӧс неважӧн индісны Пугачёвскӧй полкса командирӧн. — Тэныд поручайта атакуйтны сиктсӧ. Отсӧг вылӧ сета Степан Разин нима полкысь батальон пехота да кык эскадрон кавалерия. Гӧгӧрвоана?

Лоскутов сибдӧм гӧлӧсӧн кызӧктіс кабырас:

— Гӧгӧрвоана, ставыс гӧгӧрвоана!

— Но, а тэ, Соболев, — Василий Иванович шыӧдчис Разинскӧй полкса командир дінӧ, кодӧ пукаліс Лоскутовлы воча, — уськӧдчан противник вылӧ тылсянь...

Соболев кыв ни джын шутӧг доккнитіс юрнас.

— А öнi вайö лöсьöдамö план, кыдзи наступайтны.— Чапаев босьтiс циркуль да веськыдладорас, дзоньвидза ки дiнас, пунктiс чистöй бумага листьяс.

Записнöй книжкаяснысö кианыс кутiгтыр командирьяс матыстчалiсны пызан дорö.

Осиновка дорысь белоказакьясöс жугöдöм кузя план, кодöс лöсьöдiс Василий Иванович, вöли зэв смел. Лоскутовлөн полкыс должен вöли атакуйтны белöйясöс сиктын да неприятельлысь став выньяссö кыскыны ас вылас. Пугачёвскöй полклөн первойя артиллерийскöй залп бöрын основнöй выньясыс долженöсь вöли атакуйтны врагöс флангсянь да тылсянь. Чапаев надейтчис, мый сылөн частьясыс тайö сьöкыд операциянас справитчасны и найö победитасны.

Кор совещаниеныс помасис, Василий Иванович мудзпырысь нёрвотчис стул мыш вылö да шуис:

— Öнi ставыс. Асыв кежлас мянлы колö лоны Осиновкаын.

— Эн майшась, Василий Иванович,— дженьыдик, чорыд тошсö чеплялiгтырйи шыасис Лоскутов:— Осиновка лöб мян.

— Но и жар, быттьö пывсянын!— ывлаö петiгөн горöдiс эскадронса командир Зайцев.

— Луннас жар,— гимнастёрка кизьяссö разялiгмос шуис Кузнецов,— а войнас кöть тулуп пасьтав. Вот и климат!

— Талун и войнас лöб жар,— серöктыштiс кодкö разведчикьяс мыш сайын.

Кор Лоскутов да Соболев лöсьöдчисны мунны передöвöй линия вылö, Чапаев шуис налы:

— Виччысьлöй, мунам öтлаын.

— Василь Иваныч, виччысьлыны эськö тэныд колi,— мелiа шуис Соболев.— Виччысьлы неуна, эн мун. Кынд бурдас...

— Тырмас тэныд! Челядь али мый ме?— ордiс Соболевöс Чапаев да медводзын мöдöдчис öдзöслань.

Петька отсалiс сылы пуксьыны седлöö, и найö нельнанныс мунiсны фронтлань.

Жар поводдясыс, вöv вылын рöдтöмысь Чапаев сэтшöма мудзис, мый рытъявылыс ранаыс кысыс воссис и сылы бөр лои бергöдчыны сиктö...

— Ме тiянлы шулi: кык-куим лун колö бура шойччыны,— Чапаевлысь кисö кöрталiгмоз сибдöм гöлöсөн шуалис полковöй врач, кузь тушаа старик.— Шойччыны... Ещö бинт. Тадзи, тадзи... Весиг ичöтика дöзмöмла, мудзöмла верманныд ёна висьмыны... Но, вот и ставыс. Пыр жö водöй вольпасьö.

Сестра кутiс тэчны саквояжö бинтъяс, йод тыра сулея, а врач петiс мыссьыны. Исаев киськалiс врачлы косiник кузь чуньяс вылас кöш помысь нуйт дука шоныд ва да сюся кывзiс сылысь индöдьяссö.

— Висьысь дiнö некодöс не лэдзны. Не сёрнитны ськöд. Тайö сылы зэ-эв вреднö.

Врачöс колльöдöм бöрын Петька пырис горничаö. Чапаев аддзис ординарецöс да зэв скöрысь горöдiс:

— Чöртыс тöдö мый! Войнас наступайтам, а танi...— И бергöдчис стенланьö, юр вывтiыс шебрасис прöстыняөн.

— Сёйны кутанныд, Василий Иванович? Тэ öд асывсьяньыс на эн сёйлы.

Чапаев нинöм эз вочавидз. Исаев ышловзис, пöдлалiс öшиньсö да петiс кильчö вылö. Окота вöли узыштны. «Ме неуна пукышта. Сöмын пукышта»,— пос тшупöд вылö пуксигмоз думыштiс Исаев. Синъясыс асьныс куньсисны.

Петька пуктiс кияс вылас юрсö да пыр жö унмовсис. Рöмдiс, лои ыркыдкодь. Картаысь кылiс мöс лысьтöм шы.

Вöли нин сап пемыд, кор осьса öдзöсöд горничасянь кылiс Чапаевлөн гöлöс:

— Петька!.. Кöни тэ сэнi, Петька!

Исаев садьмис да, кöсякö кутчысьöмөн, оськовтiс посводзö.

— Кöть мед эськö биасин... Гажтöм зэв,— крöвать вылас бергалiг шуалис Василий Иванович.

Исаев перйис зепсьыс истöг, öзтiс сись, пуктiс сийöс пызан вылö да пуксис крöвать дорö седлö вылö.

Чапаев видзöдiс узоръяса ас кыöм ичöтик ковёр вылö, Петька — тiралысь би вылö. Кыкнанныс чöv олисны.

— А öни кымынöд час?— лөнъ да рöмыд горничаö дöжнасьöмөн видзöдiг друг юалис Василий Иванович.

— Вой шөр бөр нин, кöнкö,— гажтöма очсалiг вочавидзис Исаев.

Көнкө пельёсын нориника пондiс дзизгыны черань везйö шедöм гут. Сэссия бара лои чöв-лөнъ. Сöмын шочиника трачнитлывлiс сись.

Ылын сикт сайын друг кылисны лыйсьöм шыяс. Здук кежлö ставыс ланьтлiс, сэссия бара кутiсны гыпкыны оруднеяс.

— Заводитчис, Петька!— Чапаев нетшыштчис водзö, ружöктiс да шыбитчис юрлöс вылö.

— Мödöd кодöскö Лоскутов да Соболев дiнö,— некымын минут мысти вашнитiс сийö.

Исаев петiс, но регыд мысти бөр пырис да пуксис важинас, Чапаев крöвать дорö.

— Надейтчан морт вылас ас вылад моз,— ординарец ланьыс бергöдчöм бöрын ньöжйöник шуис Чапаев.— Тöдан: мый тшöктiн вöчны — вöчас... А вот майшасян: друг мыйкö оз сiдзи ло?

— Тырмас тэныд, Василий Иванович, дугды тöждысьнытö. Соболев Лоскутовкöд ставсö вöчасны,— шуис Петька.— Найö öд коммунистъяс! Да и комиссаръясыс налөн смелöсь, тölкаöсь.

Дзоньвидза ки пыдöснас Чапаев тупкис синъяссö. «Да, найö, дерт, крепыд командиръяс, самостоятельнöйöсь,— мөвпалiс Чапаев.— Вунöдi öнтай Лоскутовлы тшöктыны, медым сюся видзöдiс Кузнецов бöрся. Зонмыс — дзик юр вундысь кодъ. Век медводзö уськöдчö, нинöмысь оз пов... А вот Зайцев — молодец. Мödöd сийöс медся ськыдiнас — вöчас быттö гижöd серти».

Сийö дыр на думайтiс аслас йöз йылысь, и сы син водзын найö сулалiсны быттö ловьяöсь. Медбöрын Чапаев мудзис. Нинöм йылысь сылы эз ло окота мөвпавны. Юрыс бергöдчис, и пельясас тiнгис.

— Петька, висьтав мыйкö,— другыслы чужöмас видзöдлöм бöрын корис Чапаев.— Ас йывсьыд висьтав, аслад олöм йывсьыд.

Ординарец дрөгнитiс да, еджыд юрси пратьсö плеш вывсьыс вештигмоз, шай-паймунöмөн нюммунис.

— Мый йылысь висьтавнысö, Василий Иванович? Кутшöм менам олöм?— кияссö шевкнитöмөн яндыситыр шуис Исаев.— Вöлi детинкаөн, сэссия война вылö мунi. Тэ ордын со мый дыра нин служита... Степяс кузя, грездъяс кузя кольмöмаяс моз ветлöдлам. А мый сэссия ещö... Ставыс сийö,

менам оломо́й, син водзын.— Исаев копыртчыліс да босьтіс сапо́г го́лень вывсьыс идзас сі.— Оти друг менам во́лі, че-лядьдырся. О́тлаын гачто́г котравлім, о́тлаын пастуклы отсасьысьясо́н во́влім. Шань сійо́ во́лі зонмыс, бур сьоло́ма... Кор заводитчис революция, кулакъяс кыпөдчисны со-ветъяслы паныд, ми Гришкакөд — Гришка нимыс сьлө́н во́лі — партизанавны мунім. Збой зэв во́лі, решительной. Со́мын о́тчыд, тэнад отрядо́ вуджто́дз, чорыд бой миян во́лі. Белөйяс бандакөд. Миян — ки тыр йөз, а налө́н быттьо мешок тыр аныкытш.

Исаев видзөдліс ломалан сись вылө, нюжөдчыліс пы-занлань, медым босьтны нагарсө, но сэк жө вунөдіс та йылысь.

— Сэки миянөс белөйяс жугөдісны. Этшао́н колим ловьяо́н,— ньөжйө́ник водзө висьталіс ординарец. Сійо́ ка-зяліс, мый Чапаев синсө вештывтө́г видзөдо́ сы вылө.— А Гришкакөд ыджыд беда лои. Бой заводитчигас на сійо́ ра-нитчис кынөмас...

Тайо́ здукас воссис өдзөс, и горничао́ пырис вестөвөй. Сійо́ вайис нимкодь юор: Осиновкаысь враг пышйө.

Асылыс во́лі шондіа. Мунісны йөзө́н да во́вьясо́н тая-лө́м сю пөвстті. Во́в кокъяс улысь лэбзьывлісны квайтпа-личьяс да бо́р пуксьывлісны кытчөкө матө.

— Ноко, Петька, кыкко́кйыв!— горөдіс Чапаев.

— Василий Иваныч,— скөрмис ординарец,— а кийд?

Чапаев мигнитіс сылы да өвтыштіс плетьнас.

Осиновка дорын найөс виччысисны Лоскутов да Собо-лев.

Дзоньвидза кинас Чапаев кыв ни джын шутө́г сывйыш-тіс Соболевөс да оқыштіс сійөс. Сэсся тапнитіс Лоскутовлы пельпомас:

— Бурөсь, радейта татшө́мьяссө! Но, а трофейяс ку-тшө́мөсь? Висьталөй, командирьяс.

— Эмөсь и трофейяс, Василий Иваныч,— шпыньмуніс Соболев.— Эмөсь. Снарядьяс тыра кыксө ветымын подвода босьтім, көкьямыс пулемө́т, куим орудие, да белогвар-деецьяс шыбитісны тысяча гө́гөр винтовка.

Пырисны ыджыд, озыр сиктлө́н главнөй улича вылө. Чапаев здоровайтчис Осиновкаса олысьяскөд, сеталіс ин-

додъяс пышйысь противникос преследуйтём кузя. Сёмын шочиника сійо зумыштчывліс да курччавліс парсё: висис-юкаліс кыис.

— Да, кывзы, Василий Иванович, — шыясис Лоскутов, коді онёдз ланьтёмён муніс Чапаевкөд орччөн. — Ичотик история артмис... Югдандор нин вөлі. Неприятельскөй частьяс кыздскюрө пышйисны Осиновкаысь. Миян отрядьяс куимлаті пырисны сиктө. Главнөй улича вылө медводдзаясөн писькөдчисны разинецьяс. Юкмөс сайсянь друг кутісны сяргыны кык пулемёт. Боецьяс — бөрыньтчыны. Падмыштлісны. Видзөда, бөрвывсянь вит вөла гөнитөны. Петісны кушинө да ньөв моз лэбыштісны юкмөс дорө. Ме синмөс лапнитны эг удитлы, найө кералісны пулемётчикьясөс да бөр скачитісны. Кытысь, думайта, татшөм збой йөзыс? А сэсяя төдмалі — Кузнецов аслас боецьяскөд. Обозсө найө босьтісны. Витөн.

— Сійо миян мастер быдсяма фокусьяс вылө, — содтіс Зайцев.

— Тэ он жө шөйөвош, — меліа видзөдліс сы вылө Чапаев. — А Кузнецов молодец! Снарядьяс миянлы вывті ёна колөны.

Василий Иванович друг бергөдчис ординарецлань:

— Мый думыштчин, философ? Гашкө, збыльысь ыстам Жигулевскөй гөраясө клад корсьысьясөс, а?

Исаев видзөдліс аслас командир вылө. Синьяссө Чапаев вөлі читкыртөма, и наын төдчис шмонитөм.

— Төда, мый көсьян шуны, Василий Иванович, — юрсө пыркнитөмөн вочавидзис Исаев: — мыйла нө ылөдз мунны? Кладыс өд тани — тайө миян йөз. Сідз?

И Петька сьөлөмсяньыс серөктіс.





«МЕ — ЧАПАЕВ!»

Ошинь улын сулаліс вижөдөм коръяса пелысь пу. Чизыр төв нетшкис сылысь көтасьом коръяссө да нөбөд с-нуис кытчөкө ылө. Өти гөрдоват корйөс төлыс ляскис өшинь стеклөө.

Василий Иванович тшөкыда видзөдлывліс ывлаө да көрлөдліс плешсө, скөраліс поводдя ылө. Коймөд лун нин дугдывтөг буситіс-зэрис көдзыд зэрән.

Чапаев вештыштіс ас дінсьыс пось картупель тыра тасьті, гырдызаяснас мыджсис пызан ылө, топөдіс ки пыдөсьяснас юрө.

Недыр мысти видзөдліс паччөрын куйлысь ординарец Исаев ылө да юаліс:

— Мый нө он лэччы? Көдзалас картупельыс да оз ло чөскыд.

— А ачыд мыйла он сөй, Василий Иваныч?— шуис Исаев.

— Оз ков,— шеныштіс кинас Чапаев, бара видзөдліс өшиньөд.— Дзик мөдтор йылысь ме думайта, Петька...

Сійö эз удит помавны — öдзöс воссис да, гораа сёрни-тигтыр, штабö пырисны командирьяс Лоскутов да Дёмин.

Паськыд пельпомьяса, зумыд вир-яя Лоскутов тэр-масьтöг матыстчис пызан дорö, пуктис Чапаевлы ныр улас чукрасьöм бумага лист.

— Лыдды, Василий Иванович, мый йылысь гижöны белоказакьяс, — шуис сійö да, бокö вешйыштöм бöрын, пырк-нитис картуз вывсьыс зэр войтьяссö.

— Но и поводдя... кисьтö и кисьтö дугдывтöт! — пась-кöм вывсьыс зэр войтьяссö пыркöдигмоз жö шыасис Дёмин.

Чапаев шыльöдис васöд бумагаторсö, копыртчис пызан весьтö.

Белоказакьяслөн штаб чуксалис красноармеецьясöс вуджны контрреволюционнöй, сідз шусяна «народнöй» ар-мияö.

«Тэрмасьöй вуджны народнöй армияö, сійөн тi вештан-ныд господь ен водзын ыджыд грек, — лыддис Василий Иванович. — Абу нин ылын сійö часыс, кор ми бырöдам гöрд зараза, а яр коммунистöс-антикрист Чапаевöс, дявöл-лысь другсö, кодöс ёрисны Христос да пресвятöй богороди-ца, öшöдам первойя сюрья йылö».

Василий Иванович чабралис бумагасö да шыбитис пельсöс, сөсся чеччис, прöйдитис джодж кузя.

— Вот и сочинительяс! — синъяснас дзирдалигтыр нюм-унис сійö. — Буракö, штабас манакьяс пукалöны. Найö, тыдалö, сöмын кывлöмаöсь, кодьяс сэтшöмьясыс чапае-векьяс — краснöй боецьяс... Энлы, велöдышта ме найöс!

Чапаев сувтис джодж шöрö, кутчысис паськыд тасмаас, мыйöн вöли зэлöдöма вöсни коссö, да синнас корис ас дiнас Лоскутовöс.

Полкса командир матыстчис, сувтис веськыда.

— Бöрйины морт нелямын-ветымынöс медся збойяс-сö, — шуис Чапаев да, часi вылö видзöдлöм бöрын, сод-тис: — Час мысти ыстыны разведкаö.

— Лоö вöчöма, Василий Иванович! — Лоскутов босьтис лабичысь фуражкасö да мöдöдчис öдзöслань.

Василий Иванович друг сувтöдис сійöс:

— Кор бöрьян боецьясöс, менö коран. Ме накöд муна.

Лоскутов видзöдлiс Чапаевлы синмас:

— Колө-ө аслыд мунны, Василий Иванович? Регыд лоө ыджыд наступление... Тэнад и сытөг уна уджыс.

— Сы вöсна и колө тöдны врагысь став думъяссö... А тэ мун!— шуис Чапаев да локтис пызан дорö.

Лоскутов мунис.

Паччөр вылысь тэрыба лэччис Исаев. Кор сийö кылис, мый талун лоө разведка, пыр жö гажмис. Сийö ньöти нин эз вöв гажтöмчысь, дышöдчысь зон кодь, кодi лун джынсö туплясис паччöрын. Дзирдавтöдз весалöм сапöга, статнöй да подтянутöй, Исаев тэрыба матыстчис Чапаев динö да кыпыда шуис:

— Василий Иванович, меным позö Лоскутовкөд мунны? Мыйон ставыс лоө дась, ме тэла локта.

Чапаев видзöдлис ординарецыс вылö юр вывсыньыс кок улöдзыс да нюммунис:

— Мун!

Ывлаыс вочасөн рөмдiс, и штабын пыр öтарö лои пемыдджык. Корсюрö чепöсийвлiс төв ныр, и öшинь стеклö-яс нориника зёлякылисны.

Дөмин биасис, и ывлаын лои сап пемыд.

— Разрешит, Василий Иванович, и меным тшöттш тэкөд ветлыны разведкаö,— лампаысь фитильсö лэптыштiгмоз вöзйысис Дөмин.

Василий Иванович думайтыштiс, сэсся довкнитiс юрнас:

— Лöсьöдчы!

Нелямын минут мысти Чапаев локтис боецьяс динö, кодьяс долженöсь вöли мунны разведкаö. Чапаевецьяслы чужöмас сюся видзöдiгтыр Василий Иванович мыйкö дыра чöv олис. Сэсся шеныштiс кинас да гораа шуис:

— Делöыс, ребята, гашкö сьökыд лоö... И меным колöны сöмын збойяс. Кодi полö — вешйы бокö!

Радьяс вöрзисны. Öтпырйö кылис некымын гөлс:

— Ми нинöмысь огö полöй!

— Миян пövстын трусьяс абуöсь!

Вой шөр кадын Чапаевлөн отряд вöли матын сийö сиктсы-ньыс, код вылö вöли индöма уськөдчыны. Но кор сиктöдз коли километрысь не унджык да Василий Иванович него-раа сеталис приказаниеяс, матысса мыльк йылын кутiсны вуджрасьны вöляяс. Сап пемыдас он вермы вöли тöдны, асланым йöз али абу.

Исаев горöдiс:

— Кутшөм полкысь?

— А ті кутшөмысь? — кыліс воча.

Минут-мөд вензисны.

— Сувталөй сьөрсьөн-бөрсьөн — лоёй дасьось! — ньөж-йөник командуйтис Дөминлы Василий Иванович да уськөдчис водзё.

Кор Чапаев локтис матөджык верзьөмаяс динё, кодъяс чукөрөн сулалісны мыльк йылын, сійө аддзис — сы водзын белоказакъяс. Найө вөліны, кызди кажитчис Василий Ивановичлы, сылөн отрядысь кык пөв унджыкөн. Чапаев эз шөйөвош, лэптис нагансө да горөдіс:

— Ме — Чапаев! Шыблалөй оружиетө! Тіянөс кытшалөма!

Чапаевецъяс уськөдчисны асланыс командирлы отсөг вылө... Пленө сетчөм белоказакъяс пөвстын вөліны кык офицер. Офицеръяс ордысь сюрины важнөй документъяс: картаяс, приказъяс, донесениеяс.

— Меным буретш тайө ставыс и колө,— белөй офицеръяслысь сумкаяссө Исаев ордысь босьтігмоз шуис Василий Иванович.

Подшибаловкаө бөр воисны югдандорыс. И көть важ мозыс буситис көдзыд зэр да пөльтис чизыр төв, чапаевецъяс вөліны збодерөсь да кыпыдөсь.

Штаб дорө воём бөрын Чапаев первойөн чеччыштис кизьөр няйтө. Василий Иванович кайө нин вөлі кильчө вылө, кор сійөс чукөстис Дөмин.

Ярмөм вөвсө дзик кильчө дорас сувтөдөм бөрын командир мыччис Чапаевлы сьөкыд тубрас, кодөс вөлі көрталөма көтасьөм тасмаөн.

— Öти белоказаклөн седлө бердас вөлі көрталөма,— шуис Дөмин.

— А мый сэні сэтшөмысь? — юаліс Василий Иванович.

Дөмин суйліс кисө косяссьөм мешөкө да кыкис сэтысь некымын бумага лист.

— Листовкаяс... Дзик жө сэтшөмөсь, кутшөмөс ми Лоскутовкөд төрыт тэныд вайим.

Чапаев бергөдчис офицеръяслань, кодъясө нвөдөны вөлі допрос вылө. Синъяссө читкыртөмөн серам сорөн сійө шуис:

— Но кызди, господа белопогонникъяс, коді кодөс босьтис пленө? Ті Чапаевөс али Чапаев тіянөс? — Чөв

олыштөм бөрын содтис:— Регыд лоө тiянлы... жа-ар
пывсян!

Василий Иванович видзөдлiс öшинь улын сулалысь
шоч коръяса пелысь пу вылө да небесаөд тэрыба кывтысь
кымөръяс вылө, друг шпыньмунис:

— А өд кобны кутис, Дёмин. Став сертиыс төдчө, бур
поводдя лоас!





БИПУР ДОРЫН

Сукмө арся рөмыд. Вылын небесаын көнсюрө тыдовт-
чисны нин первойя кодзувъяс.

Орловкаса уличаяс вылын ыджыд степнөй сиктын шума
да гажа.

Чапаевецъяс лөсьөдчөны шойччыны: лэдзалөны вөвъ-
ясөс, крест-накрест сувтөдлөны винтовкаяс, öзталөны би-
пуръяс. А Серёжка Курочкин, полкын зэв мастер гудө-
касысь, босьтис доддысь ассыс гудөксө, пуксис тыртөм
ящик вылө да мөдис ворсны.

Курочкин гөгөр чукөртчисны музыка радейтысьяс. Со
кодкө чилөстис да петис йөктыны.

Нывбаба-крестьянкаяс, кодъяс бой дырйи дзебсяв-
лисны сарайясө да көбрегъясө, öнi чуксалисны красноарме-
ецъясөс керкаясас, гөститөдисны арбузъясөн, дыняясөн.

Петис улича вылө Чапаев да мунис аслас частъяс динө.
Сийө тэрмөдлис пөваръясөс, медым регыдджык лөсьөдисны

ужын, сёрнитіс сы дінө воалысь командиръяскөд, шмонитіс боецъяскөд.

Василий Иванович сувтіс бипур дорө, көні боецъяс кытш пиын пукаліс гудөкасысь.

— Но кызди, ребята, мудзинныд?— красноармеецъяс вылө сюся видзөдіг юалис Чапаев.

— Миянлы өмөй первойысь?

— Жар пывсянын ми пывсөдім белякъясөс, тайө збыль!

— Пуксы, Иваныч, нуръясышт, тырмас тэныд ветлөдлынытө!

Чапаев пуксис кытшө. Кодкө мыччис сылы пань.

— Семьясяныд эм кутшөмкө юөр?— юалис сійө ыджыд юра ён артиллеристлысь.

Шочиник пистиа, гождялөм чужөмыс боецлөн меліа нюмдіс:

— Эм, кызди нө, Василь Иваныч! Ставныс дзоньвидзаөсь.

— А пиыд? Кокөн нин ветлө?— водзө юасис Чапаев.

— Мишкаөй? Кызди нө, котралө!

Чапаев бергөдчис аскөдыс пукалысьлань, еджыд юрсиа, яндысяна лөз синъяса жебиник зонлань.

— Тэ ранитчөмыд кө-а?— гимнастёрка соссыс едөм вир адзөм бөрын юалис сійө.

Мөдыс гөрдөдіс, лэдзис синъяссө:

— Тайө асывнас, бой дырйи... пуля парсыштис киөс.

— Перевязка вөчин?

— Эг, эг вөч... Да ставыс нин бурдіс, Чапаев ёрт!— пөся кутіс висътавын зон, кор казяліс, мый Василий Иванович видзөдө сы вылө дөзмөмпырысь.

— А заражение кө лоө?.. Пырысьтөм-пыр жө мун перевязочной пунктө.

Боец неокотапырысь муніс.

Пистиа чужөма артиллерист нюлыштис паньсө, мигнитіс Серёжка Курочкинлань, код і зэв зіля сёйис котелокысь рок, да шуис Чапаевлы:

— А миян Курочкин, Василь Иваныч, гөтрасьны лөсьөдчө.

— Мый тэ шуан? Эг кывлы!— чуймис Чапаев.

— Кызди жө,— водзө висъталіс артиллерист.— «Мыйөн

вөтлам, шуо, став белякъясөс, пыр жө гөтрася!» Гусихаын невестаыс оло. Настасья нимыс...

Ставон серөктисны. Сералис и Курочкин лым кодь еджыд пиньяссө петкөдлг.

— Ок и висьталан жө тэ, Иван!— шуис сийө да ки пыдөснас тапкис артиллеристлы паськыд мышкас.

Мөдыс көсийө вөлі водзө шмонитны, но гудөкасысь торкис сийөс:

— Ланьтлы, шуоны! Василь Иванычлысь ме көсья юавны. Сэтшөмтор, төдан кө...

— Но, но, кывза,— шуис Чапаев. Сийө радейтис Курочкинөс смеллун вөснаыс, кыпыдлун вөснаыс да сыысь, мый зэв ёна радейтис роч сыланкывьяс.

Курочкин малыштис княснас пидзөсьяссө да, бипурсьян усысь югыд биысь синьяссө читкыралг, став тушанас копыртчис Чапаевлань.

— Висьтав, Василь Иваныч...— тэрмасьтөг заводитис сийө.— Шуам сідзи... Вөтлам ми став врагьясөс — и татчөсьясөс, и найөс, кодьяс мукөд державаясысь нырнысө мянө суйөны,— сэки, сідзкө...

— А тэ, буракө, войдөрлун омөля кывзөмыд комиссарлысь,— торкис сийөс артиллерист.— Кыдзи сийө висьталис? Жугөдам став контрреволюциясө да мирной олом кутам лөсьөдны. И воысь-во мян оломным пыр өтарө бурджык да югыдджык кутас лоны. Комиссар сідзи и шуис: «Тайө югыд туйөдыс, ёртьяс, ми воам веськыда коммунизмө!»

— Мыйла тэ менө торкалан!— скөрмис Курочкин.— Ме и тэтөг став йывсысь верма висьтавны... Менө вот татшөм вопрос мучитө...— Гудөкасысь видзөдліс Чапаевлы синмас да топөдіс княссө морөс бердас.— Ноко, төлкуйт, Василь Иваныч! Вот ми ас му вылын лөсьөдам шуда коммунистической олом, а кызди нө мукөд державаясас? Неужели сәні вир юысь буржуйяс важ моз сідзи и кутасны нөнявны вирсө уджалысь мортлысь?.. Али кызди?

Чапаев копыртис юрсө, думыштчис.

«Вот эськө татчө Ленинөс,— думыштис сийө.— Ленин ставсө тысяча во вылө водзө аддзө!»

А гораа сийө шуис:

— Ме тадзи думайта: и мукөд державаясын народ должен кыпөдчыны буржуазиялы паньд. Сәки нин, ребята, став народьяскөд өтув му вылын коммунизм стрөитам!

Курочкин нюммуніс, довкнитіс юрнас.

Недыр мысти артиллерист, коді куритіс каллян, мөвпа-
лігтыр шуис:

— Куйлан мукөд дырйи войнас да думайтан... быдтор
йылысь думайтан... асланым олөм йылысь. И сэтшөма, кы-
мынөдысь нин, Василь Иваныч, сьөлөмыд висьмылас. Оз
өмөй, думайтан, удайтчы и меным олыштны коммунизм
дырйи? Ме жө сы вөсна ассым вирөс кисьта!

Чапаев сывйыштис сыкөд орччөн пукалысь боецъясөс.

— Воам сійө кадөдзые!— шуис сійө. И зэв сьөлөм-
сянныс содтис.— Быть воам!.. Но, дерт, неуна пöрысьмыш-
там, сытөг оз позь... Сідз али мый, Курочкин?


— Сідз, Василь Иваныч!— серөктис сійө да босьтис киас
гудөксө: сійө гөгөрволіс Чапаевөс видзөдлас сертныс.

Василий Иванович шыльөдыштис уссө, чатөртис юрсө да
заводитис сывны мича гөлөсөн:

Тэ, моряк, зэв өд мича,
Тэныд сөмын кызь арөс...

Чапаевецъяс дружнөя тшөтш заводитисны сывны.





СТЕПКА

Стёпка лэптыштлис дөралысь отар пельёссö, мыйöн вöли тупкöма öшиньсö, да видзöдлис улича вылö. Туй кузя котörtис кукань. Сы бöрся вöтчис верзьöма оружиеа казак. Куканьöс вöтöдöм бöрын сийö здук мында скачитис сыкöд орччöн, а сэсся копыртчис, öвтыштіс шашканас да орöдіс сылысь юрö.

Выль керкалөн, код вевт вылын вöли жöчысь вöчöм петук, дзиръяыс вöли восьса. Йöрас курöгъяс бöрся котралисны салдатъяс. Посводзсьыс петис офицер, моздорас нуис виж граммофон труба.

— Мамö, мамö! — надзöник чукöстис Стёпка.

Паччöрын мöдіс вöрны мамыс. Джоджö шнөпкысис-уси гын сапöг.

— Öсип Максимлысь курöгъяссö белöйяс куталöны, а керкаас кодкö горзö. Паша тьöтка, буракö.

Мамыс ымöстис, кöсийс мыйкö шуны, но кутис зэв ёна кызöдны. Стёпка ышловзис да вешйис öшинь дорысь. Ывлаö петны эз вöв окота, а гортын пукавны гажтöм.

Пызан йорысь перйис няйтчөм тетрадь, карандаш пом да кутіс думайтны: «Бур эськө рисуйтны, кызди чапаевской отряд төвзё белөйяслы паныд, а медводзын гөрд знамя улын скачитө ачыс Чапаев».

Чапаевос Стёпка төдіс сөмын висьталөмъяс серти. Сійө унаысь нин заводитліс рисуйтны, но Чапаев артмыліс то зэв томөн, то зэв пөрысьөн.

«Оз, и өні нинөм оз артмы!— шогпырысь мөвпыштіс Стёпка.— Мыйкө эськө көть сөйыштны».

Сылы дум вылас уси, мый медбөрьясыс сійө сөйліс төрыт асывнас. Мамыс көтөдіс пуан ва пыин кымынкө нянь корка, кодъяс туплясисны дозмук шкапын, и найөс пыр жө ставсө сөйисны. А сәсся нинөм эз вөв.

Өшинь улын кылісны вөв кок шыяс да гора гөлөсьяс. Детинка дрөгмуні, видзөдліс өшиньөд да котөртіс пемыд пельөсө, пач дінө.

Өдзөсө йиркнитісны. Мамыс ләптіс юрсө да полігтырйи юалис:

— Степук, кодъяс сәні?

— Белөйяс!— вашнитіс Стёпка да пырис пач улө.

Посводз өдзөс рутш-ратшмуні. Джоджө уси мыйкө сьөкыдтор, и кодкө сибдөм гөлөсөн өрччыштіс.

Керкаө пырисны салдатъяс. Медводзын вөлі гөрд чужөма вахмистр, киас кутіс плеть. Сійө конъясис табуреткаө, өрччыштіс да горөдіс:

— Восьтөй өшиньяссө!

Гөрдоват рөма галифеа пельк зон чепөсйис өшинь дорө да нетшыштіс дөрасө. Керкаын лои югыд.

— Корсьны гөрд ведьмаөс!— плетьнас өвтчиг да дженьыд кокъяс вылас качайтчиг командуйтіс вахмистр.

Бокөвөй страшнөй йөз кыкисны мамөс джоджө. Вахмистр кучкис сійөс, и мам надзөник, повзьөмпырысь горөдыштіс.

Сәсся Стёпка нинөм эз аддзыв. Шом тыра көрзинаө чужөмнас сутшкысьөмөн сійө кутіс тіравны, шытөг бөрдзис...

Салдатъяс кышйисны-шобисны быд пельөс, жуглісны табуреткаяс, кок уланыс талялісны виялысь важ самөвар, сәсся өрччигтыр да сералігтыр мыйкө кыкисны ывлаө.

...Юрсө ләптыштілөмөн Стёпка кывзысьыштіс. Керкаын некод эз вөв. Сійө видзчысьөмөн кыссис-петіс пач улысь да

читкыртис синъяссö. Посводзянь пырис тшын, би кывъяс
полисны öдзöс көсяк.

Стёпка восьтис öшинь, чеччыштис рытъя ыркыд, уль
пемыдас. Заводитчысь пöжарлөн югöрыс югдöдис дворсö.
Восьса сарай öдзöс дорын бовъялис-öшалис морт.

Сарайлань воськовтöм бöрын Стёпка мый вынсьыс горö-
дис. Повзьöмысла кынмис места вылас, недыр видзöдыштис
мамыс вылö, сылөн көмтöм кокъяс вылö, сэсса, бөрвылас
видзöдлытöг, уськөдчис котöртны сикт помлань.

Сийö узис туй бокын, вундöм му вылын. Туй кузя мунис
старик да ньöжйөнник сьылис молитва. Стёпка садьмис.

— Да тані, буракö, морт? — Стёпка динö сувтöм бöрын
шуис старик.

Сийö сайöдис синъяссö ки пыдöснас да сюся видзöдліс
косясьлём паськöма детинка вылö.

— Тэ мый тані вöчан, пиук? А?

— Нинöм ог вöч... сідзи прöста,— синвасö кутіг воча-
видзис Стёпка да бергөдчис мөдарö, видзöдліс кытчöкö
ылö бокö.

— Ог кыв! — Старик зутшнитис муас бедьнас. — Мудзи,
эбöсöй быри. Смертьöй, тыдалö, ме бöрся вöтлысьö.

Сийö лэдзис пельпом вывсьыс мешöксö да кашкигтыр
пуксис бусöсь лапкор вылö.

— Пуксьы, внукöй, нурьясьыштам, мый ен сетіс.

Стёпкалөн зэв ёна вöлі сюмалö кынöмыс. Старик кийсь
сьöд нянь корка аддзöм бöрын сийö лэдзис юрсö, ньылыш-
тис дульсö.

— Сөй со, на! Тэнад мый, бать-мамыд ловьяöсь?

Стёпка горша сөйис, эз кывзы, мый йылысь юасьö ста-
рик. А старик, буракö, гөгөрвоис, кутшöм тшыг детинкаыс,
да сетіс ещö шөрöм.

Кор Стёпка сөйис пöттöдзыс, корысь юалис:

— Сиктад, донa пиöй, сеталöны милöстинатö?

— Ог тöд. Белöйяс сэнi грабитöны быдөнöс.

— Унаöнöсь?

— Унаөн,— ньöжйөнник шуис Стёпка. — Мамöс... мамöс
менсьым öшöдисны...

Сийö чышкыштис вазьöм синъяссö, но эз вермы кутчысь-
ны да бөрддзис.

— И мый найö, господьöй енмöй, мучитöны-виалöны йöзсö. Настöящöй зверьяс!— шуис старик.

— Батьöй менам краснöйөн вöли...— бöрдигтыр висьтавлис детинка.— Вот найö та вöсна...

— Ок, и зверьяс!.. Тэ нö öни мый, öтнадөн? Сирöта? А? Стёпка ещö гораджыка бöрддзис, кулакнас чышкалис няйт чужöмсьыс синвасö.

— А тэ öвсьы, донаöй, öвсьы... Кöсьян кö, мунам мекöд? Кькөннад оз ло гажтöм.—Старик пуктис мешöкас пиньтуйсö да пернапасасис.— Пöрысь да кага, кодi мянöс вöрзьодас?

— Ме нинöм...

— Мунан, сiдзкö?

— Муна,— муртса кывмөн вашнитис Стёпка.— Сöмын мян сиктö огö мунöй. Сэни менö тöдöны.

— Ладнö. Сэни аддзам,— шуис корысь да чеччис.

Сикт помын найöс сувтöдис патруль.

— Лэдзöй, донаяс! Милöстина öктам,— Стёпка ки вылö мыджсьöмөн кевмысис старик.

— Лэдзны, али мый?— юалис виж уска салдат аслас ёртлысь.

— Лэдз. Чöрт накöд!— шеныштис кинас мöдыс.

Стёпкаöс корысь аскöдыс сиктö эз босьт; сiйö колис детинкаöс эновтöм пывсянö, кодi вöли град йöрьяс сайын.

— Караулит няньнымöс да некытчö татысь эн вöрзьодчы,— стрöга тшöктис старик.

Сiйö регыд бөр локтис да шуис, мый тайö сиктас милöстинасö омöля сеталöны, колö водзö мунны.

Мöд войнас найö узьмöдчисны муяс вылö, пастук чом-йö. Стёпкаöс юрöдыс мелiа малалигтырйи старик юалис:

— А ме кö кула, кытчö тэ, сирöтаöй, мунан, кыдзи овны кутан? А?

Детинка думайтыштис да мыйкö вочавидзис.

— Кытчö, шуан, кытчö?— выль пöv юалис старик.

— Чапаев дiнö муна!—пöся вашнитис Стёпка.

Старик ышловзис:

— Став гöль йöзыс, кодьяслы некутшöм олöм эз кутлоны белöйяс понда, мунöны Чапаев дiнö... А тэ узь, донаöй, узь.

Кор асывнас Стёпка садьмис, чомйын старик эз нин вёв. Детинка котөртис төдтөм сиктө, но и сэтысь корысьсё эз аддзы.

Коймөд сутки буситис дөзмөдана, арся зэр. Штаб кильчө вевт виялис, и дневальной йөжгылясис кодзыд зэр войтъясысь, кодьяс веськавлісны сылы шынель воротник костас.

Кильчө дорө матыстчис Стёпка.

— Кытчө?— Дневальной потшис туйсө.

Көтасьом няйт поскөд көмтөм кокнас шлөпөдіг детинка кайис кильчө вылө да вөлисти сувтіс:

— Лэдз.

— Коді тэныд колө?

— Чапаев дінө ме,— вочавидзис Стёпка.

— О, мый думыштөма!— Дневальной воськовтіс водзлань.— Лэччы кильчө вывсьыс. Чапаев абу.

Стёпка дөзмөмөн видзөдліс чапаевец вылө:

— Тэныд жаль? Да?

— Мун татысь. Шуоны тэныд, Чапаев абу!

— А ме тэныд шуа: лэдз, тані Чапаев!

Дневальной эз нин видзөд детинка вылө. Штаб дінө матыстчис няйтөн резсьом автомобиль. Кабинаысь пелька петіс буркаа да джуджыд папахаа морт. Стёпка видзөдліс сы вылө да шай-паймуніс: «Чапаев!» Мыйла буркаа военнойс должен лоны Чапаевөн, сійө и ачыс прамөясө эз гөгөрво. Көсйис матыстчыны сы дінө, да повзис.

— Чапаев ёрт,— шуис дневальной,— кутшөмкө детинка локтіс да тэнө юасьө. Ме шуа сылы, абу, мися, Чапаевыс, а сійө өтарө асьыс — мырдөн суйсьө.

Василий Иванович сувтіс Стёпка водзө да видзөдліс сы вылө юр вывсьяныс кок улөдзыс.

— Висьтав, мыйла ме тэныд ковми,— серьезнөя, быттьө верстьө мортлы, шуис Чапаев.

— Могөн локті,— верстьө морт моз жө лабутнөя заводитіс детинка.— Тэнад отрядө гижсьыны локті.

— Отрядө?— Чапаевлөн синкымъясыс лыбисны вывлань.— А мый тэ отрядас кутан вөчны?

— Разведчикөн лоа.

— Вот кызд... А мыйла гортсьыд мунін?

— Менам абу гортöй. Батьöй краснöйясын служитис, сийöс Самараын белöйяс виисны, а мамöс öшöдисны. Öтнам ме öнi.

— Кытысь? Кыдзи нимыд?

— Таволжанкаысь. Степан ме, Лисухин Михайлö-лөн пи.

— А кымын арöс?

— Масленичасянь дас нельöд вылö петис.

Штабысь петис кудриа юрсиа, кыпид чужöма зон.

— Воин, Василий Иванович?— юалис сийö.

— Вои, Петька,— сидзи жö прöстöя вочавидзис Чапаев.

— А кодкöд тайö тэ сёрнитан? Стёпка кö-а?— Зон котөрөн локтис детинка динö, босьтис сийöс киöдыс.

Стёпкалы кажитчис, быттьö сийö көнкö кывлис нин тайö гөлöссö, а көнi, оз помнит.

— А корысь старикöс помнитан?

— Помнита...

— Сийö ме и вöли!— Кудриа юрсиа зон серöктис да сывйыштитис Стёпкаöс.— Менам разведка бöрын найöс чорыда и пыркöдiм... Василь Иваныч, ме детинкасö квартираö нубда. Позьö?

— А тэ мыйла сэки меным эн висьтась, мый тэ Чапаев дiнсянь? Ме эськö тэкöд мунi,— öбидапырысь шуис Петькалы детинка.

— Оз позь вöли, зонмö, оз позь. Делöыс вöли зэв серьёзнöй.

Дзузганлөн тiралысь би муртса югдöдiс керка пытшкöсö. Пельöсьясын кышакылисны төрöканъяс.

Му джоджö вольсалöм шынельяс вылын узисны чапаевецъяс.

Жара ломтысьысь пач вом дорын, пулемётчик коммунист Зимин дiнын, чукөрөн пукалисны кымынкö боец. Пулемётчик мойдiс:

— Баринкöд муно вöли вөрö плötник, öти кывйөн кö, керьяс бöрйины. Воисны вөрö. Ветлöдлö вөрöд плötник, чер тышнас кучкышталö пуясö да пельсö пуктывлö пу бердас... Со тадзикөн...

Зимин петкöдлис, кыдзи вöчлис плötник. Стёпка нёрөвтчис пулемётчиклы пельпом бердас, нюжöдiс кокьяссö.

— «Тэ мый вочэн, мый кывзан?»— юалё плётниклысь барин. «А вот сывйышт пусё, пукты пельтё, и тэ кылан»,— вочавидзис плётник. «Да менам кизсёй пу гё'орыс оз судзны, ог вермы ме»,— шуис барин. «Ыджыд тай шог! Бай ме тэнё көртала пу бердас, сэки и кылан». Но, өти кывйён кө, барин сёгласитчис. Да-а...— Зимин перйис зепсыс бисерён вышивайтём табак көшель да кутис гартны чигарка.— Көрталис плётник пу бердө баринёс, босьтис вёжжи да заводитис кучкавны. Кульё-нөйтё, а ачыс шуалё: «Кывзы, кывзы, көинпи, мый тэныд пуыс висьталё! А висьталё сийё: эн увтырт мастерөвөй мортёс!»

Керка тырён серөктисны. Садьмис кашевар, видыштис сералысьясёс, бергөдчис мөдар бок вылас, юрсё тупкис шынель пөланас.

Стёпка пидзёсчаниясис да кутис дзоргыны-видзөдны еджыдөдз гыөртём өшиньяс вылө.

— Лыйсьёны!— вашнитис сийё.

Зэвтчём чөв-лөняс кылис, кызди дзуртыштис дзирья.

— Белөйяс!— өдзёс вугсё кималаснас корсигмоз горөдис кодкө посводзын.

Йөз шызисны.

— Спокойнө, ёртьяс!— негораа шуис Зимин.— Кутам тышкасьны!

Чапаевецьяс чепөсйисны ывлаө, водалисны заборьяс пөлөн да воча лыйсисны. Зимин да Стёпка гургисны туй вылө пулемёт. Стёпка мыччалис лентаяс, пулемётчик сьргис-луйлис неприятель кузя. Кодкө гөнитис орчча сиктө, көни сулалис кавалерийскөй полк.

— Кызкө-мыйкө кутчысям, а сэк кості асланым йөз воасны,— пулемётё выль лента суйигмоз збодермөдис Зимин.

— Кутчысям,— сөгласитчылис Стёпка, ачыс сюся видзөдис противникланьё.

Друг Зимин шатовмуні бөрланьё да, юрсё чатөртөмөн, уси. Стёпка копытчис сы весьтё.

Пулемётчик вөлі кулөма нин.

— Ур-ра-а!— кылисны код юра йөзлөн гөлөсьяс.

Лым толаа уличаөд скачитисны белоказакьяс. Төлысь югөр улын ясыда тыдалисны бытьёкө сынөдөдыс лэбзысьс вөвьяс да на вылын пукалысь йөз. Повзёдлана дзирдалисны сабляс.

Матысмис и матысмис неприятельской конница.

Чапаевецъяс бõрынътчисны посёлочка переулочкясод. Стёпка водис пулемёт динõ да личкис гашеткасõ.

Веськыда Стёпка вылõ скачитысь вõв друг сувтис кык-кокийыв да сэк жõ вõлыс и мортыс усины туй вылõ.

А сы бõрся седлõсьыс лэбовтис мõд казак, повзём вõв чепõсийс бокõ, лым вывти кыскис морт шойсõ.

Гылалисны йõз, вõвъяс. Белоказакъяс крута бергõдалисны вõвъяссõ да пышйисны. А Стёпкалõн кыптис врагъяс динõ сэтшõм лõглун, мый сийõ доймытõдзыс курччис пиньяссõ да лыйлис, кытчõдз эз быр став лентаыс. Тыртõм ящикын кинас гурийисиг сийõ кывзысьыштис.

Гõгõр вõли чõв-лõнь. Пельяссõ чошкõдõмõн Стёпка кымис места вылас, виччысис, мый вот õни и лõõ медся страшнõйыс да веськõдны позътõмыс. Мыш кузяыс визьнитис йирмõг, юрсиыс весиг сувтлис. Вõв кок шыяс кылисны пыр ясыдджыка да гораджыка войся чõв-лõняс. Кажитчис, пыр õтарõ матысмõ жугõдны позътõм стальной лавина.

Стёпка чепõсийс места вывсьыс да, потшõсьяс вомõн чеччалиг, лым пиõ вõйласиг, саяли степõ.

Чапаевлысь висьталõмсõ кывзõм бõрын Исаев видзõдлис сылõн мудзõм чужõм вылõ.

— Позьõ мунны, Василий Иванович?— юалис ординарец.

— Мун. Да Стёпкаõс õдийõджык мõдõд, ме сийõс кõсья разведкаõ ыстыны. Зонмыс пельк да збой. Бур разведчик лõõ.

Чапаев довкнитис юрнас да заводитис мыйкõ гижны тетрадьõ.

Стёпкаõс некытысь эз аддзыны. Некод эз тõд, кытчõ сийõ воши. Ставныс чайтисны, мый детинка, буракõ, пõгибнитис. Но кум лун мысти Василий Ивановичлы висьталисны, мый детинкаõс вайõдисны Овчинниково хуторысь.

— Õти озыр морт ордын ми обыск вõчим,— висьталис Силантьев,— сийõ вõлõм оружие дзеблалõ. А орччõн вõли сельсõветса стõрõжлõн керкаыс. Õти красноармеец и видзõдлис õшиньõдыс. А сәни Стёпка.

— Вайõдõй сийõс ме динõ,— прикажитис Василий Иванович.

Пыртõдисны Стёпкаõс.

Юрсө Стёпка улөдз копыртөма, няйт киас кутө гөрд звездочкаа шапкасө.

— Мый вөчин хуторас, герой, висьтав!— Чапаев сюя видзөдліс детинка вылө, и Стёпка ещө улөдз лэдзис юрсө.— Но, ме кывза.

— Рисуйті,— сибдөм гөлөсөн вашнитіс Стёпка.

— Мый, мый?

— Рисуйті... Картина.

— Рисуйтін!— Чапаев чеччис, малыштіс уссө.

— Кор лентаясыс бырины,— мыкталігтырйи висьталіс Стёпка,— ме пышйи посёлокысь — вывті ёна повзи. Овчиниковоё пышйи. А сәні мяян йөз вөлі венөмаөсь нин казакъясөс. Өти виөм офицер сумкаысь ме босьті масляноё краскаяс. Рисуйтчыны окота лои. Некор на ме масляноё краскаясөн эг рисуйтчыв. Кватиті ме найөс да дед ордө, стөрөж ордө.

Стёпка шевкнитіс шынельсө, разис тасмасө да питшөгсьыс перйис дөра ёкмыль.

— Со... картина.

Василий Иванович паськөдіс ёкмыльсө. Төвзьысь вөвъяс вылын пукалөны йөз. Юр весьтаныс югъялөны сабляяс. Верзьөмаяс водзвылын, гөрд знамя улын, төвзьө командир, сьөд буркаыс дөлалө төв йылас. Сійө вөлі пашкыр кузь уска, а папахас малиновөй бант.

Картина улас вөлі гижөд: «Чапаев төвзьө атакаө чапаевецъяскөд».

Василий Иванович дыр видзөдіс картина вылас. Омөльтчөм, думыштчөм чужөм вылас төдчис кутшөмкө выль нимкодьясьөм.

Унатор йылысь тайө здукас думайтіс Чапаев. И сы йылысь, мый регыд, тыдалө, войналы пом, и аслас челядь йылысь, кодьяс сэтшөм шоча аддзывлөны батьсө, и Стёпка йылысь. Водзын детинкаыслөн ыджыд да югыд олөм!

Чапаев эз вермы кутчысьны да шпыньмуні:

— Молодеч! Кутшөм тайө тэнад бура артмөма!

Стёпка збоймыштіс, лэптис юрсө:

— Тайө ме кык лун рисуйті да ещө войнас.

— Кытысь тэ татшөм талантсө босьтін?

— Сиктса учитель велөдіс. Бумага меным сетавліс, карандашъяс.

— Бур! — читкыраліс синъяссө Чапаев. — Сөмын тэ не-
уна абуджык сідз рисуйтөмыд. Ускөй менам дженьыд-
джык, и вөв домас со этійө тасматорйыс абу местаын.

Сійө пуксис важ диван вылө, пуксьөдіс аскөдыс орчөн
гажмөм Стөпкаөс.

— Кор помалам воуйтны, Стөпка, — кияснас пидзөсь-
яссө сывйыштөмөн сёрнитіс Чапаев, — олөмыс мича лөб, и
ми тэкөд мунам велөдчыны. Академияө: ме — военнөйө, а
тэ — рисовальнөйө... Должен лоны татшөм академияыс..
Мунам?

— Мунам! — пыркнитіс юрнас Стөпка. — Мунам, Василь
Иваныч!

И найө кыкнанныс шудаа серөктісны.





КВАРТИРАНТ

Важон нин югдiс, а му весьтö улöдз öшиём кымөръяс вöсна бвлаяс вöли руа.

Öшинь пыр писькöдчис слабиник югөр. Пачын чискисломтысис пес.

Наталья Власовна вундалiс зарни-оранжевöй рöма ыджыд тыква. Небыдик, васöд сьömössьыс сийö перьялис нильög еджыд кöйдысьяс да шыблалiс скөвөрöда вылö.

Джоджын кысьясис еджыд юрсиа нывка да гögльöдлiс увйöсь плакаяс вывтi картофель. Нель арöса детинка верзьömөн пукалiс пөрöдöм табуретка вылын да кучкалiс сийöс вöньөн.

— Но, но, Карко!— горöдливлiс сийö.— Дышмин, мокасьт!

Воссис öдзöс, и кöдзыд руыскöд öттшöттш керкаö пырисны сельсöветса председатель Терехин да полшубока том военнöй.

— Чолöм, Наталья Власовна!— йи нөньяссö тошсьыс перьялиг шуис Терехин.

Көзйайка корис гөстясөс горничаё.

— Ми могөн, — шуис председатель. — Квартирантөс тэ ордо көсъям суйны... Оти вой кежлө.

Наталья Власовна чышкис партукас кияссө, востис горнича өдзөс:

— Пырөй. Менам тані сөстөм, идралөма.

Военной сюся видзөдліс горничасө да ошкыштіс.

— Но, Власовна, ми квартирантла мунам... Сідз, Исаев өрт? — юалис военнойлысь Терехин.

Мөдыс довкнитіс юрнас да шыөдчис нывбаба дінө:

— Ми, көзйашка, мынтысям, эн төждысь.

— А коді сійө сэтшөмыс, квартирантыд тиян?

— Чапаев. Кывлін, көнкө?

Көзйайка чуймис:

— Збыльсь Чапаев? Сылы, гашкө, ме ордын оз во сёлөм вылас. Сійө морт ыджыд...

— Воас, мам, — кубанкасө юрас пунктгроз шпыньмунис Исаев.

Мыйөн сөмын Исаев да Терехин мунисны, Наталья Власовна тэрмасьөмөн мөдіс пелькөдны керка пытшкөссө. Некор на, кажитчис, Наталья Власовна татшөм сёлөмсяныс эз зильлы: ва ветьокөн чышкаліс пызан, өшинь вывъяс, өдзөс, мыськис горничасысь джодж, сувтөдаліс табуреткаяс. Наталья Власовна көсийс, медым сы ордын Чапаевлы вөлі лөсьыд.

Челядсьө сійө катөдіс паччөрө. Сетіс налы морт өти тыква чөланөн да шуис:

— Ті пукалөй шы ни төв!

Ывлаын кыліс көлөкөльчик шы, гөрөктісны вөвъяс, и Наталья Власовна чышъянтөгыс чепөсийс гөстєлы паныд.

Доддысь чеччис Василий Иванович. Сьөд пасьсө вөлі зэлыда тасмаалөма, папаха вылас югъялісны кодзув кодлым чиръяс.

— Чолөм, көзйашка! — шуис сійө.

— Со и Чапаевөс вайөді, — шуис Исаев да мигнитіс. — Но кыдзи, скөр миян сійө?

— Мый тэ, зонмөй! — шеныштіс кинас Наталья Власовна да видзөдліс Чапаевлы чужөмас. — Первойысь мортсө аддза, а быттьө ас мортөс встречайта...

Да друг яндзим лөи, гөрдөдіс.

Чапаев серөктіс да, пась вывсьыс турун пыркөдігмоз, пырис көзйайка бөрся керкаө.

Горничаян дзужгис самөвар. Василий Иванович да ординарец пуксисны чай юны. Наталья Власовна пукталіс чашкаяс да, пызан дорсьыс вешйигмоз, шуис:

— Ті энө дивитөй, чай пыддиыс заваритөма морков.

Чапаев корис көзйайкаөс пуксьыны пызан сайө, но мөдыс өткажитчис да петіс кухняө.

Василий Иванович бергөдіс сійөс, пуксьөдіс табуретка вылө:

— Сөян, юан — сәки өтказывайтчы.

И вештіс Власовна дінө сакар, нянь, жаритөм чипан.

Пансис сөрни. Збоймыштөм нывбаба норасис омөль олөм вылө. Верөсыс пөгибнитөма Уральскын, челядыс посниөсь, а отсөг некодсянь. Вөрысь пес лоө ваявны ас вылын.

— Во кымын ещө терпитышт, дзик мөд нога лоө. Сәтшөм олөм лөсьодам — кувны оз ло окота! — бурөдіс Чапаев.

Паччөрсянь дзоргисны-видзөдчисны челядь. Василий Иванович казаяліс найөс да шуис:

— Ноко, вайөй найөс татчө. Көнөсь найө?

Наталья Власовна ләччөдіс челядьсө.

— Нимныс кызди?

— Пиөй — Иван, нылөй — Настя.

— Орөльяс! — шыльыда бритөм щөкасө ниртіг нюммуніс Василий Иванович. — Öти кывйөн кө, миянөс, старикьясөс, вежасны... Но, Иван, вай чай кутам юны... — Сійө пуксьөдіс аскөдыс орччөн яндысьыс детинкаөс, а нывкасө босьтіс водзас да, сійөс качайтігмоз, шуалис:

Ок тә, канюк, вильыш кань,

Плешкад кудри, ачыл шань,

Водам, канюк, сера бок,

Настук нылөс өввөд лок.

— Тә со мый, вөлөмкө, төдан, Василий Иванович! — го-раа серөктіс Исаев.

— А кызди нө! Менам гортын татшөмыс куим, велалі. Видзөдлам, кызди тә кутан сывны, кор тэнад пи чужө, — шуис Чапаев.

Рөмдыны кутіс. Сельсөветсянь локтіс посыльнөй:

— Председатель тшөктіс висътавны, Чапаев ёрт: йөзсө собрание вылө клубө чукөртөма.

Василий Иванович муніс, а Исаевлы тшөктіс вайны көзйякалы матысса вөрысь пес додь.

Бөр воис Василий Иванович сөрөн. Наталья Власовна пукаліс паччөрын да кыис чулки. Пөрөдөм нянь шомөс вылын тшынасиc дзуган.

— Аски мянөс, көзяюшка, садьмөд водз,— горничаө пыригмоз шуис Чапаев.

— Эн төждысьөй, чуксала,— эскөдіс Наталья Власовна.

Василий Иванович эз сразу унмовсь. Кияссө юр улас пунктөмөн сійө мыйкө дыра куйліс восьса синъясөн да мөвпаліс сы йылысь, кызди сійө ветліс генеральной штаблөн Академияө, кызди Самараын аддзөдчыліс Михаил Васильевич Фрунзекөд, 4-өд армияса командующөйкөд, коді назначитіс Чапаевөс Александрово-Гайскөй бригадаса начальникөн. Торъя нин кажитчисны командующөйлөн бөръя кывъясыс:

«Ме сувтөда тиян водзө, Чапаев ёрт, кыв кутана мог — босьтны Сломихинскөй станица да водзө наступайтны Лбищенсклань. Белоказакъяслысь уральскөй армия должен лоны жугөдөма!»

И Фрунзе топыда кутліс Чапаевлысь кисө.

Василий Иванович син водзө друг төдчана да ясыда сувтис образыс тайө стойкөй, закалөннөй большевикыслөн, коді вөлі Ленинлөн соратникөн.

«Вот код кодьөн колө зильны лоны — Фрунзе кодьөн! Настоящөй большевик! А кутшөма төдө военнөй делө!» — думыштіс Василий Иванович.

Унмовсигас нин Чапаев шуис аслыс: «Командующөйлысь приказсө пөрта олөмө. Көть мед мый оз ло!»

Кор квартирант унмовсис, Наталья Власовна босьтис стул вылысь гимнастёркасө, петіс кухняө да пондіс сюся видлавны.

«Век өтарө уджалө да төждысьө йөз вөсна,— мөвпаліс көзйяка.— Көнкө, сы бөрся некод оз и видзөд».

Гимнастёрка юрйивсьыс Власовна казяліс өти сунис йылын бовъялысь кручки, а мөдлаысь — ичөтик розь. Вурис кручкисө, дөмыштіс розьсө да бөр нуис гимнастёркасө местаас, кусөдіс бисө да кайис паччөрө.

Нывбаба садьмис водз. Ывлаын вөлі пемыд на.

Көзаяка пуктіс самөвар. Некымынысь пыраліс горни-
чаө, но жаль вөлі чуксавны квартирантсө. Ки пыдөс бердас
бан бокнас топөдчөмөн сійө узис чорыда.

— Мудзөма,— вашнитіс Власовна да чышкыштіс ас-
сьыс син доръяссө.— Чапаев өрт, кылан, Чапаев өрт?

— Мый, асыв нин?— нафталин дука шебрассө павкни-
тыштөм бөрын юаліс Чапаев да видзөдліс өшиньө.— Петь-
ка, чеччы!— чукөстіс сійө Исаевөс, коді узис ящик вылын.

Пызан вылын шумитіс самөвар, но чай юны вөлі не-
кор — воисны вөвъяс.

Тулупасигмозыс Чапаев шуаліс:

— Прөщайтлы, көзаяюшка, аттьө узьтөдөмсьыд. Гашкө,
коркө и аддзысьлам на!

Кучер горөдіс вөвъяс вылө, и додьяс төвзыштісны
дзирдалан лым бус лэптіг.





РАЗВЕДКА

Краснѡй Яр сиктса ыджыд да паськыд площадь вылын, кѡні пырджык овывлѡ йѡзтѡм да лѡнь, ѡні тырыс вѡліны вѡла доддьяс, тачанкаяс да тѣрмасьѡмѡн ветлѡдлысь боецьяс.

Асыввыв фронтса Лунвыв группаѡн командуйтысь Михаил Васильевич Фрунзе приказ серти 25-ѡд Чапаевскѡй дивизия должен вѡлі заводитны тасянь штурмуйтны Уфа, кодѡс босьтис сѡветскѡй властьлѡн лѣк враг — Колчак.

Колчак сетлис ыджыд тѡдчанлун Уфа кар да Белая ю дорйѡмлы да вайис тайѡ местаясас асьыс став вынъяссѡ, юлѡн веськыд берегѡ сувтѡдалис медбур частьяссѡ.

Водзын долженѡсь вѡлі лоны чорыд бойяс...

Асывсянныс нем жалиттѡг сотис шондѡ, и кажитчис, мый июньса жар луныс оз нин помасьлы. Но лун шѡр гѡгѡр лѡз енѣжсѡ друг тупкис ыджыд сьѡд кымѡр, кутис пѡльтны кѡдзыд тѡв, и кѡш помысь моз зѣрмис. И кѡть минут нелямын мысти кымын кымѡрыс вешийс асыввылѡ да бара ку-

тіс пөжны шонді, но сынөдыс лои ыркыдджык да лолавны вөлі кокниджык.

Мусянь, керкаяслөн да сарайяслөн идзас вевтяссиянь кайис чөскыд көра рутор; орчча рассянь өвтіс кисьмөм оз дук.

А Красной Яр сиктса площадь вылын, код гөгөр быд-мисны топольяс, вөлі кызкө торъя лөсьыд.

Площадь вылө петіс Чапаев.

Гөгөр видзөдлөм бөрын сійө веськөдчис кирпичысь стрөйтөм вичколаны, коді сулаліс сикт помын. Сэні должеп вөлі заводитчыны Пугачёвской полклөн митинг.

Вежон сайын пөгибнитіс Пугачёвской полкса комиссар Волков.

Волков местаө полкө мөдөдісны самарской том рабочёйс, Бурматовөс. Дивизияса комиссар Фурманов бура висьтасис Бурматов йылысь, коді таөдз уджавлөма орчча дивизияса политотделын. Но тайө вежонас Василий Иванович сөмын кыкысь аддзысьліс Пугачёвской полкса выль комиссаркөд да өні зэв ёна жалитіс, мый сэтшөм омөля на төдө сійөс.

«Локтан операцияыс лоө сьөкыд, — воськовьяссө өддзөдіг думайтіс Василий Иванович. — Белөйяс став вынъяссө кыскисны Уфаланы. Но тайө войнас мян разведка лоө мөдар берегын... Воис-ө сьөлөм вылас боецьяслы Бурматов? Дасьтіс-ө боецьясөс сражение кежлө?»

Кор Чапаев воис вичко дінө, митинг вөлі заводитчөма нин.

Медым эськө сійөс эз казавны, Василий Иванович сувтіс боецьяс сайө.

Вичко кильчөлөн еджыд каменной тшупөдыяс вылын сулаліс Бурматов. Сійө вөлі кузь тушаа, гождьялөм чужөма, дорччыслөн кодь ён да ыджыд кияса том морт.

— Красноармеец ёртьяс! — трубкаө гартөм ученической тетрадь киас волнуйтчөмөн шамралігтыр гораа сёрнитіс комиссар. — Лоасны решающөй бойяс. Но чапаевецьяс век вөліны повтөмөсь да збойсь. Чапаевецьяс век нөйтлісны белопогонникьясөс. Найө и өні пасьвартасны Колчаклысь армиясө!

Красноармеец, коді сулаліс Василий Иванович водз-вылын, гыррдзанас тувкис ёртыслы да sibдыштөм гөлөсөн надзөник шуис:

— А комиссарыс тайо, сідз шуны...— Сійо лосьодыштіс тасмасо да содтіс:— Туяна морт. Ми вок пөвстысь, тыдало...

— Вежон на и эм мяно локтомыслы, а быдөн нин сійос төдоны,— сөгласитчис сылөн ёртыс.— И сёрнитыштас, и советуйтас... Став сертыс төдчө — настоящей большевик!

Красноармеецьясөс өлөдісны мукөдыс, и найо ланьтісны.

Бурматов помаліс ассыс дженьыдик речсө, перйис зепсыс карандаш да юаліс:

— Коді көсйө мунны войнас опасной разведкаө?

Первой радын сулалысь еджгов уска кузь тушаа боец лэптыштіс пельпомьясөс, тувкис аслыс морөсас да кыз гөлөсөн шуис:

— Гиж менө заводитөм могысь... Порфирий Лаптев!

И сэк жө быд боксянь кылісны гөлөсьяс:

— Герасим Сидорыч Ширкуновөс гиж!

— Петровөс!

— Валеткин Иванөс!..

Комиссар муртса вевъяліс гижавны. Сійо гижис нин куим лист бок, а доброволецьяс вөліны унаөн на.

Шашкасө кинас кутышталігтыр Василий Иванович тэрыба кайис каменной тшупөдьясөд джуджыд кильчө вылө, пуктіс кисө Бурматовлы пельпом вылас да шуис:

— Молодеч, комиссар, салдатьяслысь став сьөлөмьясөс гурйыв восьтін!

Пугачёвецьяс аддзисны ассыныс радейтана командирсө да дружнөя горөдісны «ура».

Василий Иванович лэптіс кисө, и сійо жө здукас полк ланьтіс.

Здук мында сійө видзөдіс гожьялөм да омөльтчөм чужөмьяса, вушйөм гимнастёркаяса красноармеецьяс вылө, кодьяс мудзөмаөсь дыр кадся походьясысь да бойясысь, но дасьөсь,— тайос чорыда төдіс командир,— первойя приказ серти жө уськөдчыны враг вылө.

— Огө кө ми вуджөй Белая ю, сэки ті абу чапаевецьяс, а ме абу Чапаев. Но ме эска... Уфа лоө мян! Комиссар правильно шуис — колчаковецьяслы регыд пом! Да и оз сөмын налы матысмы помыс — ми жугөдам революциялысь став врагьясөс!

Бара горөдісны «ура».

Василий Иванович копыртчис комиссарлань да шуис:

— Тырмас гижавны.

И нюжөдіс кисө тетрадьлань.

— Оти здук!— Комиссар кызкө торъя нин тэрмасьомон гижис медбөрья овсө.

Чапаев видзөдліс списокө.

— Нелямын көкъямыс. Тырмас,—шуис сійө да ещө видзөдліс список помас.— Бурматов, и тэ мунан жө?

— Так точно, Чапаев ёрт,—ярскөба шуис комиссар да, сутш кежлө ланьтлөм бөрын, водзө висьталіс:— Ме сідзи чайта, Василий Иванович: ме кө чуксала красноармеецьясөс, сідзкө и ачым должен лоны накөд өтлаын. Сы вылө ме и коммунист.

— Вот тайө правильнө!— довкнитіс юрнас Василий Иванович. Сійө видзөдліс Бурматовлөн гождьялөм, волнуйтчан чужөм вылө да содтіс:— Старайтчы быдторйөн лоны Фурманов кодьөн. Сыысь бурджык комиссарөс ог төд!





ПИАНИНО

Юрлөс пельбөсө уси шондi югөр. Розөвөй эжөд кузя ньөжйөнник кыссыгтыр югөр матысмис узьысь дорө, кайис сылы пель вылас, котөртiс гожьъялөм бан бокөдыс да видзөдлiс куньса синъясө. Василий Иванович көрыштлiс плешсө да садьмис.

Чапаев лэптiс юрсө да, синсө читкыралiг, пуксис, кокъяссө лэдзис джоджө.

Өшинь стеклө вылын тiралiс косьмытөм на лысва войт. Потшөс весьтын кыпөдчис шондi.

Кухнясянь кылисны вашкөдчана скөр гөлөсьяс:

— Лэдз, мися! Кодлы шуөны!

— Узьө! Гөгөрвоан?

Өдзөс сайын кылис кышөдчөм. Друг паськыда воссис өдзөс, и горничаө котөрөн пырис дөжнасян чужөма нывбаба.

Василий Иванович тэрыба вевттысис шебрасөн да төждысьөмпырысь видзөдлiс нывбаба вылө.

Сійо локтіс Чапаев дінö, шевкнитіс кияссö да горöдіс:
— Чапаев ёрт! Ме налы шуа — оз позь, а найö öтарö кыскöны... Ме налы балябöжаныс, а найö бара кыскöны! Дзикöдз дурмöмаöсь. Отсалöй, Чапаев ёрт!

— Мый лои сэтшöмыс? Коді мый кыскö? — юаліс Чапаев.

— Да миян мужикъяс. Купеч керкаысь көсйöны петкöдны музыка да жугöдны... Сійо öд донатор, гашкö ковмас на...

Нывбаба котöртіс водзвылын, Чапаев тэрмасис сы бöрся. Пантелеев купечлөн озыр керкаö найö пырисны некодөн казаявтöг. Заллөн осьса öдзöс дорö Василий Иванович сувтіс.

Куим крестьянин тільсисны петкöдны комнатаысь пиано. Пиано клавишаяс тринякылісны. Мужикъяс пöсялöмаöсь, найö сьöкыда кашкöны, видчöны. Медъёна тільсис-пессис нейджыд тушаа тошка морт.

Лакуйтöм сьöкыд пиано сибдöма öдзöсас, быттö сьöд мрамор глыба.

— Вевтсö колö пасьвартны, чöрту! — скöрмис тошка мужик да чужийс пианоö. — Нетшыштöй, мужикъяс, вевтсö! А то миянлы нэм ковмас тані ноксыны.

Чапаев кызöктіс, оськовтіс порог вомöн:

— Чолöм, ёртъяс!

Мужикъяс видзöдлісны да веськöдчалісны:

— Чолöм, Чапаев ёрт!

— Дзикöдз мудзим!.. — ышловзис тошка дядьö, да, кор казаяліс Чапаевкөд пырысь нывбабаöс, сьövзис: — Ок, и быдлаö жö тэ суйсян, Клашка!

— Кытчö нуанныд пианоносö? Народнöй домö?

— Сэтчö тай председатель тшöктіс, — шуис öти крестьянин.

Но тошка дядьö дözмöмөн букыштчыліс сы вылö да шуис:

— А мый соссьынысö, Чапаев ёрт! Веськыда колö висьтавны, көсйим жугöдны тайö штукасö.

— Мыйла?

Мужикъяс юрнысö лэдзöмөн ышловзисны.

— Дыр зэв висьтавнысö, Чапаев ёрт... — Тошка дядьö нюлыштіс парсö, малыштіс пашкыр тошсö. — Ме тайö вир

юысь Пантелеев ордас вит во казакалі. А дас квайтөд воын кути мунны сы ордысь, меным сійө пигасө мыгчис да ещө шуис, ме на пö сылы уджйöза коли. Йирис, йирис быдөнөс, ловъяөс и кулөмаөс, озырлунсө аслыс чөжис! Нылыслы музыка да быд пөлөс шылльө-мылльө...— Сійө ланьтис да лөгпырысь букыштчыліс пианино вылө.

Чапаев кутыштис тошка мужикөс гыррдзаөдыс да небыда шуис:

— Ок тэ, «вевтсө сылысь жугөд»!.. Да өд сэни тэнад пöсьыд и вирыд, трудыд тэнад. Сійө, пианиноыс, öни тэнад лои.— Василий Иванович видзөдліс нывбаба вылө, кодi партукнас чышкаліс пианино вылысь буссө.— Миян öни сійө, öтувъя. Тöрыт кулак ныв пианино вылын ворсис, а талун миян челядь кутасны велөдчыны. Быть кутасны! Сидзи ме шуа али ог?

Мужик мыжапырысь нюммунис:

— Лючки сёрнитан, Чапаев ёрт. Менам аслам нин сьö-лөмөй небзис.

Купеч керкасянь Чапаев мунис сельсöветö. Танi сійө корис сельсöветса председательсянь расписка, мый сійө лючки-ладнö видзас пианиносö.

— Буракö, ставыс,— шуис председатель, кор помалис гижнысö, да пондiс гораа лыддыны гижöмторсö.

Василий Иванович кывзис сюся.

— Содты. «Пианиноөн шусысь серьёзнöй инструмент тшыкөдöмысь да жугөдöмысь лоа мыжаөн ревтрибунал водзын».

Председатель көсйис вензыны, но видзөдліс Чапаев вылө да содтис.

— Öни ставыс?

— Ставыс. Кырымась. Тадзи. Вай татчö.— Распискасö кык пельö кусыньтöм бöрын комдив суйис сійөс планшеткаас.

Тайö вöли Лбищенск вылө походö мунтөдз неуна водзджык.

Юр весьтөд кывтисны лестукъяс вылө косясьлөм зера кымөрьяс. Көдзыд төв гартис туй вылысь буссө.

Пырисны Лбищенскö.

И со бара сьодасьöм стенъяса, ыджыд казацкöй керка. Ляпкыд пötөлök улын жöч абажура лампа, енув пельöсын

саёссыом образъяс, а на улын журналысь вундалом картинаяс.

Зумыштчом Чапаев ветлөдліс пельөсысь пельөсө. Сійө көрлөдліс плешсө, сувтлывліс өшинь дорө да вөсни чуньяснас тотшкөдіс өшинь тасъясө. Сьөлөм вылас сьлөн вөлі гажтөм, и Василий Иванович бара заводитліс ветлөдлыны джодж кузя.

Тиф нем жалиттөг гылөдіс кок йывсыс боецьясөс, частьяслөн водзө мунөмыс ньөжмис. Бөрө колины обозъяс.

Бөрвылын — Белебей, Чишма, Уфа, Уральск. Мыйта бойяс! Мыйта вөліны радлана да шөгсяна здукъяс!

Василий Иванович лажыньтчыліс да перйис кровать улысь сумка. Белльө улын куйліс быд пөлөс бумагаяслөн да документъяслөн нейджыд чукөр. Разис шөртторсө да кутіс видлавны вижөдөм, чукрасьом бумага листъяс. Кок улас уси кык пельө кусыньтөм ичөтик бумагатор. Василий Иванович лэптис сійөс да паськөдіс:

«Расписка

Тайөс сетөма Василий Иванович Чапаевлы, 25-өд Чапаевскөй дивизияса комдивлы, кызди ме Русскөй Кандызскөй сөветса председатель Ермолин Николай Александрович көсйыся сетны вөвлөм кулак Пантелеевлысь музыкасө школалы, медым сы вылын велөдчасны ворсны сиктса челядь, да видзны сійөс ассыым синмөс дорысь ёнджыка.

Пианиноөн шусысь серьёзной инструмент тшыкөдөмысь да жугөдөмысь лоа мыжаён ревтрибунал водзын.

Сельсөветса председатель Ермолин».

Лыддигмозыс Василий Ивановичлөн чужөмыс пыр өтарө югдіс. Дум вылас уси Русскөй Кандыз, тошка мужик, сьөд лакөн лөсталысь пианино, дөжнасысь нывбаба...

Чапаев нетшыштис тетрадысь өти лист да гижис письмө. Лыддис да сьөлөм вылас воис. Веськыд синсө читкыр-төмөн да нюмъялігтыр сійө клеитис конвертсө да чукөстис Исаевсө.

— Мөдөд, Петька!

Исаев мунис.

Чапаев шөгө уси. Төд вылас воис комиссар Фурманов, медматысса соратник, велөдысь да друг, кодөс неважөн ву-

джөдисны мөд удж вылө, и та вöсна сьөлөм вылас лои ещө сьөкыдджык.

И уджалиснысө найө öтлаын во джын, а· вот кажитчө, быттьө нэмсө вөліны öтлаын, весиг эз торйөдчывны.

Кутшөм унаторйө велалис Чапаев Фурмановлысь, тайө настöящöй коммунистыслысь, коді пöсь большевистскöй кывйөн кужис öзтыны йөзлысь сьөлөмгьяссө! Смел да повтөм, сійө ветлывліс чапаевецьяскөд атакаө, эз жалитлы ассыс олөмсө. А кымын төвся кузь вой найө колявлісны сёрниасын, и мыйта выльтор вөссывліс Чапаев водзын Фурмановкөд быд сёрни бөрын!..

Василий Иванович чеччис. Сійө эз вермы сэсся öткөн пукавны. Шевкнитіс ас вылас шынельсө, мөдөдчис орчча керкаө, кытчө сувтіс Батурын, дивизияса выль комиссар.

Вөлі 1936 вося июнь төлысь. Розъясис нянь, цветитісны турунъяс.

Öтчыд рытъявылыс ме вои Красная станицаө. Сійө вөлі Уральсксянь нелямын вит километр сайын.

Станичнöй сөветлөн ыджыд керкаын вөлі лөнъ да ыркыд.

Председатель пызан водзын пукаліс рогөвöй öчкаи том морт, пидзөс вылас куйліс фетрөвöй шляпа.

Менсьым документөс лыддьөм бөрын председатель шуис:

— Ті мөд морт. Тайө ёртыс Чапаев кузя жө. Төдмасьöй.

Öчкаи морт вөлөма композиторөн.

— Төданныд,— волнуйтчөмөн висьталіс сійө,— ме татысь аддзи Василий Ивановичлысь письмө, кодөс сійө кувтөдзыс неуна водзджык гижлөма Русскöй Кандызө. Письмөыс сэтчө абу вома, а кутшөмкө ногөн кольөма Совет архивө. Со видзөдлөй.


Письмөсө вөлі гижөма ученическöй тетрадысь нешпыштөм листтор вылө. Чернилаыс чусаммөма, бумагаыс вижөдөма, а веськыд пельөсыс письмөыслөн бакшасьөма нин.

Тайө письмөас Чапаев гижис, медым сельсөвет сылы юөртіс, дзоньвидза-ө пианино, интересуйтчис, велөдчөны-ө школьникъяс музыкаө. Сійө көсийсис коркө волыны кыв-

зыны тайо вöвлöм барскöй инструмент вылас музыкантъ-
яслысь ворсöмсö.

Кор ме бöр сеті письмösö композиторлы, сійö видзчы-
сьömön сюис листорсö портфеляс да волнуйтчан гölösөн
жö водзö висьталіс:

— Ме ачым Русскöй Кандызысь. Меным сэки, дас öк-
мысöд воын, вöлі дас öти арös, и велöдчи ме коймöд
классын. Ме заводиті велöдчыны музыкаö тайö пианино
вылас.





Т Ъ Ъ З Ъ

Полковник Губашин, бритом юра, кузь тушаа, омолт-чом морт, лунтыр вөлі кыв-вортөм да зумыш. Сійө дөзмөм-өн ветлөдліс пароход палуба вывті, и кажитчис, быттьө сы-лысь сьөлөмсө ньөти эз вөрзьөдны ни лөнь Волга, коді меліа югьяліс сентябрса шонді югөр улын, ни Жигулёвскөй гөраяс.

Сыкөд өти каютаын мунысь Алексей Алексеевич Соловьёв, Горький карысь рабочөй, коді аслас отпуск дырйи путешествуйтис Волга кузя, эз вермы гөгөрвоны, мый лон Губашинкөд.

Найө локтісны Астраханьянь да туйын дружитчисны: частө сёрнитлісны либө ворелісны шахматөн. Кыкнанныс-лы вөлі нин ветымын арөсысь унджык и налы вөлі мый йылысь сёрнитны.

А талун Губашин быттьөкө зілис өтдортчыны Соловьёв-ысь. Алексей Алексеевич кө сувтас полковниксянь неылө,

кодi веськодпырысь видзоді ю вылө, сійö пыр жö вешъяс да мунас либö нырас, либö бöжас,— кöни йöзыс этшаджык.

Алексей Алексеевичлы кызкө эз вöv лöсьыд матыстчыны полковник динö да веськыда юавны, мыйла сійö друг жугыльмис.

Рытъявылыс, кор Соловьёв пукаліс палуба вылын да выльысь лыддис радейтана местаяссö Толстойлөн «Война да мир» романысь, полковник друг пуксис сы динö. Губашин муртса инмөдчыліс кинас сы киö да неуна мыжапырысь ньöжйөнник шуис:

— Ме вылө ті, Алексей Алексеевич, онö скöралöй?— Сійö чöv ланьтіс, ышловзис да содтіс:— Талун сентябрь витөд лун... Тайö луннас дас öкмысөд воын пöгибнитіс Василий Иванович Чапаев.

Некымын минут кыкнанныс чöv олісны.

— А ті нö мый, бура төданныд Чапаевсö?— юалис Соловьёв.

Полковник перйис каллян, кутыштіс сійöс киас, бөр сюйис зептас да шуис:

— Öтлаын воюйтлім. Важөн нин тайö вöлі, комын во прöйдитіс, а вот... син водзын сідзи и сулалö!

Губашин кызöктіс да бергөдчис мөдарö.

Недыр мысти сійö водзö висьталіс:

— Первойысь ме аддзи Василий Ивановичöс дас көкъямысөд воын гожөмнас, кор сылөн отрядъясыс воисны Уральскысь. Мыш сайын нопъя, ме локті Порубежкаö, кöни вöлі Чапаевскöй штаб. Ми, чапаевскöй отрядö гижсьыны көсийсыя, чукөрмим унаөн. Тані вöліны ме кодъ жö том зонъяс, кодъяс эз на исавлыны порок дуксö, да дзор старикъяс, кодъяс асланыс нэм чөжөн унатор нин аддзылісны. Но волнуйтчим ми ставөн öткодя. Чапаев аслас отрядö йөзсö босьтавліс ёна бöрйысьөмөн.

Василий Иванович петіс кильчö вылө, сюся видзөдліс чукөртчөм йөзөс, пуктіс кияссö мыш саяс да горөдіс:

«Кутшөм могөн воинныд, гражданина?»

Ме сулалі кильчö дорас матын да первойөн шыödчи сы динö:

«Чапаев ёрт, босьтöй менö аслад отрядö?»

Василий Иванович копыртчис ме динö, читкыртліс синъяссö да скöракодъ шуис:

«Кытчө тэнө? Коді тэ сэтшөмыс?»

Ме эг шойбвош, а төлкөн висьталі сылы.

Чапаев прикажитіс босьтны менө формируйтчысь ротаб. Бөрынджык Василий Иванович юалис, кызди менө шуоны.

«Губашин менам овөй. Батьос Иванөн шуоны, а ме Василий», — вочавидзи ме.

Чапаев шпыньмуніс:

«Тьозө, сідзкө, тэ менам. Но-но! Пока шойччам, лыйсыны обязательно велөдчы».

Төлысь джынийөн ми, выль боецьяс, велөдім строй, винтовка да мыйскорө кутім сяммыны вөчны военнөй делө кузя. Лыддим ми асьнымөс збойясөн, решительнөйясөн да терпиттөг виччысим бой.

Кор белөйяс босьтисны Николаевск кар (өні Пугачёв), тайө лунас Порубежкаын вөлі бой. Таволжанкаын сулалысь противник мырддис миянлысь Ыджыд Иргиз вомөн пос да көсийс вөтлыны Пугачёвскөй полкөс Порубежкаысь.

Вот тані ме и янавлі.

Делөыс вөлі лун шөр кадын. Ми мунім атакаб, но противник вөлі бура укрепитчөма да атакасө веніс. Та бөрын мыйкө дыра вөлі чөв-лөнь. Сэки позиция вылө скачөн воис Василий Иванович. Сійө ачыс нуөдіс миянөс атакаб. Ю вомөн посө ми босьтім, и вөтлім врагөс водзө. Тані менө Чапаев аддзис да пыр жө төдіс.

«Тьозө,— довкнитіс сійө юрнас,— чолөм!.. Ординарец өні мекөд абу,— водзө висьталіс сійө.— Тэ мекөд мунан».

Лэччим увтасө, сувтім.

«Виччысьлы менө тані, ме регыд локта», — шуис Василий Иванович да скачитіс раскө.

А гөгөр лои сэтшөм шы ни төв,— шуштөм весиг. Меным кызкө эз ло лөсьыд сьөлөм вылын, повны куті. Друг мыльк сайсянь, противникладорсянь, котөртө миян пехотинец. Винтовкатөм, фуражкатөм. Лёкгоршөн горзө:

— Пулемөта машина! Ставнымөс шырас!

Менам пидзөсьясөй лигышмуніны, бергөді вөлөс да төвзи-пышйи. Да, грек вылад, седлөысь уси. Шуйга киөс музгыльті. Чеччи да бара седлөб. Фуражкабөй уси юрысь — эг лэпты.

А рытнас, бой бөрын, ме дінө локтіс Чапаев, менсым фуражкабөс киас кутө.

«Лоо, — думайта, — меным пывсян!»

Василий Иванович видзодліс менам пыктём ки вылө, юалө:

«Ранитчин?»

«Эг, — шуа, — Чапаев ёрт, тайө ме öнтай вöv вылысь уси».

«На босьт. Тэнад?» — да мыччө меным фуражкаөс.

«Менам», — вочавидза, а ачым дась му пырыс мунны, — яндзим лои.

Чöv олыштис Василий Иванович, сэсса содтис:

«Мöдысь сэсса тадзи эн джигитуйт. Ме öд ставсö аддзыли. Тадзи юртö воштан, а меным быд морт дона, торйөн нин сысысь кö артмас настöящöй боец».

А мöд луннас менö «пожналисны» собрание вылын боецьяс. Но и сюрыштис жö меным сэки! Нэм ог вунöд. Сэсса татшöмторьясыс мекöд некор нин эз лолыны. Бура да отважнöя служитöмысь Василий Иванович кыкысь наградитлис менö.

Полковник ланьтис да кунис синьяссö.

— Ме Чапаевкöд öтлаын тышкаси, кор белоказакьяс уськöдчылисны Лбищенск вылө, — кутшöмкö мöд, эз аслас кодь гөлөсөн шуис сийö да бара ланьтис. — Урал юланьö бöрыньтчиöн, — водзö кутис висьтавны полковник, — Чапаевлөн вöли ранитчöма кыис, но некод эз и тöдлы, мый ранитчöма. Урал ю дорöдз вöли матын нин, но звермöм белоказакьяс казялисны миянлысь слаблуннымöс да ещö нин топöдисны миянöс. Коли öтитор — шыбитчыны ваö, медым ловйөн не сетчыны враглы.

Дас сажень джуджда крутинöд кутим лэччыны ю дорö. Ранитчöм боецьясöс бандитьяс виалисны прикладьяснас...

Василий Иванович да красноармеецьяслөн нейджыд отряд водзсасисны врагьяслы паныд.

«Варччöй, ёртьяс, варччöй!» — горзис сийö боецьяслы, кодьяс вуджисны ю вомөн.

Менам бырины став патроньяс, ме эг кöсйы эновтны ранитчöм Чапаевöс. Но сийö быдөнöс, кодлы нинöмөн вöли лыйсыны, вöтлалис ас динсьыс мöдар берегö.

Ме медбöрьяысь видзöдли Василий Иванович вылө. Улыс дөрöмыс вöли косяссьöма, киса кöртöд пырыс йиджтысьöма вир. Синьясöй веравны кутисны... Ог помнит, кызди ме шыбитчи кодзыд, гудыр ваö.

Белоказакъяс дугдывтөг лыйлісны пулемётыс ю кузя. Пуляяс тольскакылісны и водзвылын, и бокъясын, и бөрвылын. Унаос смертыс суис пöшти мөдар берегас нин.

Ме өдва вои мөдар берегөдзис, пыри кустъяс пөвстө да вошти садьос. Кор палялі, первой видзөдлі мөдар берегас.

Крут берег вөлі тыртөм.

«Көні нө Василий Иванович?» — ю вылө сюся видзөдіг думышти ме.

Ураллөн лөнь ваис кажитчис меным свинеч кодь сьөкыдөн, кыдзи төвнас йөрданын.

Вөрын, кытчө ме кысси, морт сизим чапаевец косьтысисны бипур дорын да сёрнитісны командир пөгибнитөм йылысь.

Ме эг эскы налы:

«Василий Иванович эз вермы пөгибнитны! Сійө кужө бура варччыны... Оз сетчы сійө белөйяслы».

Но салдатъяс и асьныс стөчасө эз төдны, пөгибнитіс али эз комдив.

Ми лунтыр олім ва дорын, кытшовтім став кустъяссө, корсим Василий Ивановичөс. Рытнас боецъяс мунісны Будариноө. А ме кольччи. Ме век на надейтчи, мый аддза Чапаевөс.

«Войнас Василий Иванович вуджас Урал,— мөвпалі ме.— Луннас сійө кытчөкө дзевсис, а войнас враг сійөс оз казав. Чапай мяян пельк, збой. Белөйяс сійөс оз вермыны ылөдны!»

Пуксис вой, көдзыд, пемыд.

Берег пөлөн шутьялөмөн кышөдчисны кустъяс. Ме кайи мыльк йылө да, сап пемыдас видзөдігтыр, сулалі войбыд.

Гоз-мөдысь берег дорын гыбыштлис чери, а ме чайтли, мый варччө морт, да чепөсйылі кустъяс пөвстө.

Пыр меным кажитчис: ваись петө Василий Иванович, ме уськөдча сылы паныд. Сійө пуксьө муө да сідзи прөстө, друглы моз, висьтасьө:

«Мудзышти неуна, тьөзө».

Ва дорын час мында виччысьыштөм бөрын ме бөр кайлі мыльк йылө да бара, пост вылын моз, сулалі, көть войис вөлі көдзыд, а ачым — зэв ёна мудзөма.

Нориника чипсігтыр турун пөвстысь жбыркнитлісны лэбачьяс, и та вöсна сьөлөм вылын лолі ещö на сьöкыдджык...

Зэв ёна шогсигтыр ме муні асывнас Будариноö. Дыр на ещö ме эг верит, мый комдив пöгибнитіс, эг вермы миритчыны татшöм ыджыд шогыскöд...

Губашин ланьтіс. Здук-мöд мысти, быттьö мыйкö дум вылас уси, сійö кыкис каллян, тэрмасьöмөн пестіс сійöс да öзтіс.


Пидзöсьяссö кияснас шымыртöмөн Соловьёв синсö вештывтöг видзöдіс лэччысь шонді югөрьясысь сім гөрдөн пöртмасысь Волга вылö.

Алексей Алексеевич асвийöныс воис пароходлөн кузя да гораа тутöстöмысь.

Пароход вöлі матыстчö пристаньялань. Муртса гыалыштысь ва веркöсöд кывтіс веж корьяса дуб вож.

— Со кутшöм... мяян Чапаев,— думайтігтыр шуис Губашин.— Нэм оз вунöд сійöс сöветскöй народ. Некор оз вунöд!





МОЙД

Пуксис рыт, и сиктын лои шы ни төв. Гожомнад сиктъясин шоча биасълöны: верстьö йöз узьлöны муяс да видзьяс вылын, а челядь да пöчöяс водöны водз. Сöмын сельсöвет да колхоз правление öшиньясын югъялисны бияс.

Ме муртса на вои муяс вылысь да, квартираö пыравтöг, мөдöдчи корсьны колхозлысь скöтнöй двор. Паныд збоя локтис кудриа юрсиа детинка. Сийö кöсийсис колльöдны менö скöтнöй дворöдз.

— А кодi тэныд сэтысь колö?— паськыд кузь гачсö лэптышталiгтыр юалис детинка.— Гашкö, Бузаев конюк?

Ме висьталi, мый муна Бузаев дiнö.

Детинка швачнитiс кияснас да гажаа шуис:

— Ме сiдзи и тöдi! Бузаевыс меным дед. Да! Сийö Чапаев ордын служитлöма. Пушкаясөн заведуйтлöма да и ачыс лыйсьылöма. Он эскы?

Детинка стрöга видзöдлiс ме вылö. Ме пуктi киöс сы пельпом вылö да зэв збыльысь шуи:

— Эска. Тэнад кыдзи нимыд?

Менам выль другой пыр жё небзис да окотапырысь во-
чавидзис:

— Колька!

А минут мысти сийё висьтавліс нин меным аслас мечта
йылысь:

— Помала дас класс — артиллерийской школаё муна
велодчыны. Командирё велодча, став пушкаяснас, ку-
тшомъяс эмось армияын, кута командуйтны. Чапаев моз!

Колька меным юртис, мый сылөн дедыс тодө Чапаев
йылысь вывти интересной мойд, кодос висьтавлө зэв шоча,
да и оз быдөнлы.

Пемыднас нин ми воим скотной двор динө. Потшос сай-
ын гөрдлісны да прыскайтисны чаньяс. Конюшнялөн восьса
өдзөсөд тыдаліс пөнарсянь усьысь кельыд би.

Колька гораа чукөстис дедсө.

Фёдор Борисович матыстчис ньожмыд, зумыд воськовъ-
ясөн.

Здоровайтчим. Ме висьтаси, мыйла локти. Колька вайис
«летучая мышь» пөнар, и ми куимнанным пуксим мудөд
вылө.

Фёдор Борисович кажитчис томөн на. Сийё вөлі тэрыб,
гажа синьяса, омөля на дзормөм пашкыр тошка. Сёрнитис
сийё кыпыда, образной, шмонитөмөн.

Чапаев йылысь сылысь казтыломьяссө гижалөм бөрын
ме кори сийөс висьтавны мойд. Бузаев дыр өтказывайтчис.
Ме дор сувтис Колька, тшөтш кутис корны пөльсө, медым
мойдис.

Медбөрын сийё сөгласитчис.

— Но, кывзы инө,— шуис Фёдор Борисович.— Да
смотри, ставсө гиж сідзи, кызди кута висьтавны.

И сийё висьталіс Чапаев йылысь мойд.

И ньөти эз вөй Урал юө Чапай, прөстө лөсьөдлөны. Урал
вомөн сийё вуджис — эз өд весьшөрө сийөс бур варчысьөн
лыддывны, а белоказакьяс мөдісны вөтчыны сы бөрся.

Пельк вөлі Чапай!

Белякьяс сы бөрся верзьөмөн вөтчөны, а сийё пышйө
да пышйө наысь вөрөд. Юр весьтгыс лэбисны пуляяс —
сийё сөмын копыртчыштлас, лажыньтчыштлас, да бара
водзө төвзё.

Дзик нин кутисны суодны Чапайос. Но Чапаев ылөдіс найос. Дзевсис ош гуо да пукало сәні. Белоказакъяс дзик дінтіс скачитисны,— эз казавны сійос, чайтисны,— сійо водзо пышійс. А сәк кості Чапай петіс ош гуысь — да бокө, рас пытшкө дзевсьом трөпаод. Вөрыс вөлі сук, и дыр-ө котөртіс Чапай, сьокыд шуны... Сөмын кор сійо воис эрд ыло, шондіс вөлі ләччө нин.

Гөгөр видзөдліс Чапай да аддзө — веськыдвылын сулалө вевта телега, а степын вөвъяс йирсьоны. Муніс сійо сәтчө.

— Коді көзяиныс? — юалө.

Некод оз шыась. Гөгөр чөв-лөнъ. Кылө, кызди туруныс кышөдчө да енэжын колипкайяс сьылөны.

Чапай бара юалө:

— Коді тані көзяиныс? Петкөдчы!

Кышакылыштис мыйкө телегаын, и вот сәтысь петіс зөв нин пөрысь старик казах.

— Мый,— шуө,— тәныд колө, удал молодеч?

Сылы Чапай висьталіс, коді сійо сәтшөмыс.

— Ме,— шуө,— Чапаев, Василий Иванович, белөйяслы паныд тышкася, медем уджалысь йөзлы вөлі вольной олом.

— Кывлі, кывлі тә йылысь,— шуө старик.— Ыджыд герой тә, став муыс тәнө төдө. Став гөль йөзыс тәнө радейтөны — и рочьяс, и казахъяс, и татараяс, и чувашъяс.

Старик друг копыртчис, ляскис пельсө му бердө да кывзө. Чужөмыс сылөн лои дөжнасяна.

— Да-а,— шуө,— тәрыба зөв вөтчөны тә бөрся, матынөсь нин.

Старик ветліс телега дорө да вайис сәтысь сыр тор да кумыс¹ тыра кувшин:

— Сөй, ю өдйөджык, а сәсся аддзам, мый вөчны.

Сөйыштис Чапай, чышкис уссө да виччысьө, мый водзө висьталас старик.

А старик бара водіс, пельсө — му бердө, да кывзө:

— Öнi лөк вөрөгъяс дзик нин матынөсь. Вот-вот вөрысь петасны... Вөвъясныс налөн ланьяс кодь тәрыбөсь, а миян өщө на тәрыбөсь, гөраын олысь сөкөлъяс кодьөсь!

Сувтіс старик аслас дзөран кокъяс йылө да кы-ыдзи шутөвтас став степ пасьтала! Видзөдө Чапай — вөв скачи-

¹ К у м ы с — көбыла йөв.

тө, да сэтшөм — висътавнытө он сяммы. Би кодъ ставнас, морөсас еджыд кодзув, а синъясыс төлкаөсь-төлкаөсь, морт-лөн кодьось.

— Со тэныд вөв,— шуис старик,— сийө тэно став беда-сьыс кутас пышйодны. А со тэныд эзысь сабля да зарниөдөм ружье — найө лооны тэнад первойя другъясөн.

И старик сетис Чапайлы эзысь сабля да зарниөдөм ружье.

— Пуксы вөв вылө да лэбзы вөр пөлөн пыр отарө веськыдвылө и веськыдвылө. Вит вой да вит лун кутан скачитны вөв вылын и вайөдас сийө тэно джуджыд гөра дорө — Горная Орлица дорө. Тайө гөра йывсьыс некод оз төд, и сәни лоө тэнад оланіныд. Кор гөль йөзөс буржуйяс пондасны өбижайтны, тэ найөс кутан мездавны нужда-сь.— Старик матыстчис Чапай динө да куимысь сийөс окыштіс.— Лэбзы, югыд сөкөлөй! Вөрөгъяс дзик нин танөсь.

Муртса на удитис Чапай чеччыштны дона седлө да кут-чысьны дом поводас, а вөв чардби моз кутис төвзыны вөр пөлөн — сөмын бус кымөр кыптіс му весьтө.

Тайө кадас вөрысь петісны белоказакъяс и веськыда старик динө:

— Көні тәні Чапай дзєбсәсь?

— Ог төд,— шуө.— Эг аддзыв сэтшөмсө.

— Кыдзи эн аддзыв?— горөдісны белөйяс.— Кытчө сийө воши?

Гөгөр ставсө шобисны: и телегасө, и вөрсө, и паськыд стөнсө — но эз аддзыны Чапайөс.

Сәки офицер прикажитис аслас салдатъяслы:

— Öшөдны старикөс пипу йылө!

И өшөдісны старикөс пипу йылө, а сылысь вевта теле-гасө сотісны. Кыккокйив гөнитісны асланыс генерал динө да висъталісны сылы, мый Чапаев вөйи Урал юө.

И сөмын уральскөй степъяс төдөны, кутшөм геройскөй подвигъяс вөчаліс Чапай.

Овлывліс, вот-вот пөгигнитас отряд: и выныс сылөн этша, и патронъясыс абуөсь, сийө и видзчысь — звермөм белөйяс шырасны бур йөзөс,— и друг, он и төд кодарсянь, воас Чапай. Лэбзө сийө би кодъ вөв вылын, шенасьө эзысь саблянас, а буркаыс төв йылын дөлалө.

— Ме бөрся, ребята!— горөдас да ньөв моз төвзяс враг вылө.

Бырё красноармеецъяслён повзылёмыс, өзъясны сёлёмъясныс, и ставныс найё оти морт моз Чапай бёрся атакаё уськөдчасны. Да сэтшөма керасясны саблясөн, мый враглён ни оти ловъя морт оз коль.

А сэсса, кор садьяласны, видзөдласны — Чапай абу нин. И оз эскыны, збыль-ө вөлі сійё тані. Но унаён висьталёны, мый адзылөмаёсь Чапайёс. И сылөн морөсас абу нин оти, а куйм орден.



О Г Л А В Л Е Н И Е

Мосоликлӧн видзьяс	6
Осиновка дорын	11
«Ме — Чапаев!»	19
Бипур дорын	24
Стёпка	28
Квартирант	38
Разведкаӧ	43
Пианино	47
Тьӧӧ	53
Мойд	59

Виктор Иванович Баныкин

РАССКАЗЫ О ЧАПАЕВЕ

На коми языке

Перевод Николая Павловича Попова

Обложка В. Краева

Редактор *А. Морозова*
Худож. редактор *М. Безносов*

Техн. редактор *И. Цивунин*
Корректор *Е. Сидорова*

Сдано в набор 13|I-1962 г. Подписано к печати 20|II-1962 г. 60×84¹/₁₆==2,0 бум. лист
4,0 печ. лист. (Уч.-изд. лист. 2,95.) Тираж 1000. Заказ № 244.
Коми книжное издательство. Дом печати. Цена 9 коп.

г. Сыктывкар, Республиканская типография Полиграфиздата
Министерства культуры Коми АССР

ДОНА ЧЕЛЯДЫ

*Лыддъбъ тайб книгаяссб, кодъясбс
мян издательство неважбн лэдзис
коми кыв вылын:*

1. Т. Гончаренко. **ОВТѦМ ДІ
ВЫЛЫН.** Доныс 7 кбп.
2. Е. Пермяк. **ПИЧУГИН ПОС.**
Доныс 2 кбп.
3. А. Авдеевко. **КАРПАТСКѦЙ
БИПУР ДОРЫН.** Доныс 10 кбп.
4. А. Мошковский. **ВЕЖ ГЫЯС.**
Доныс 25 кбп.